

დავით უკიდავალი საქართველო

La Géorgie

Indépendante

Revue mensuelle

JANVIER


1934—№ 97

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ე .

ა ბ ე ლ შ ე ვ ა ლ ე

გარდაიცვალა საქართველოს დიდი მეგობარი და საფრანგეთის დამსახურებული დიპლომატი და ნიჭიერი მწერალი აბელ შევალე.

დაბადებული ფრანგ პროტესტანტის ოჯახში ოთხ ივლისს 1868 წელს. მაღალ განათლებული და უნივერსიტეტის დოცენტი, აბელ შევალე 1893-1898 წ.წ. პედაგოგიურ მოღვაწეობას ეწეოდა ეგვიპტეში. 1898-1904 წ.წ. ის განაგრძობდა ამ მოღვაწეობას პარიზში და იმავე დროს თანამშრომლობდა დიდ გაზეთ «ტან»-ში. სადაც ის ათავსებდა მეთაურებს საგარეო პოლიტიკაზე, რომელთა შორის განსაკუთრებულ ყურადღებას იპყრობდა მისი ნაწერები ინგლისის და საზოგადოთ ანგლო საქსონურ პოლიტიკაზე. ამით დაინტერესებულმა საგარეო საქმეთა მინისტრმა დელკასემ 1905 წელს დანიშნა აბელ შევალე გენერალურ კონსულად პრეტორიაში (სამხრეთ აფრიკაში) და 1910 წ. ის მიიწვიეს თვით საგარეო საქმეთა სამინისტროში, როგორც გამგე ამერიკის განყოფილებისა. 1914 წ. აბელ შევალე დანიშნულ იქნა საფრანგეთის სრულუფლებიან ელჩად ნორვეგიის დედაქალაქში ოსლოში და მთელი დიდი ომი ამ საპასუხისმგებლო სტრატეგიულ ადგილზედ გაატარა. 1919-1920 წ.წ. აბელ შევალე იყო საფრანგეთის წარმომადგენელი აღმოსავლეთ პრუ-



სიაში და 1920-1921 წ.წ. ის დანიშნა საფრანგეთის უმაღლეს კომისრად კავკასიაში და ცხოვრობდა ტფილისში, სანამ ის იძულებული არ გახდა მოსკოვის ვერაგულმა დავდასხმამ, ეროვნულ მთავრობასთან ერთად, დაეტოვებინა იგი. ამით დაამთავრა აბელ შევალემ თავისი მრავალფეროვანი და ნაყოფიერი დიპლომატიური კარიერა.

მაგრამ თვით სამსახურის დროსაც და განსაკუთრებით მის შემდეგ აბელ შევალეს არ გაუგდია ხელიდან თავისი მაღლიანი კალამი. როგორც ღრმა მცოდნე ინგლისურ ძველ და ახალ მწერლობისა, ის აქვეყნებდა შესანიშნავ გამოკვლევებს, როგორიცაა: დედოფალი ვიქტორია, ჩვენი დროის ინგლისური რომანი, შექსპირის ხანა და სხ. ამასთანავე ის აქვეყნებდა ინგლის-ამერიკის დიდ გამოცემებში გამოკვლევებს ფრა-

ნგულ მწერლობაზე, კითხულობდა სამეცნიერო მოხსენებებს ლონდონში და იყო ერთ-ერთი ბურჯი ფრანგთა და ანგლო-საქსონების ინტელექტუალურ დაახლოებისა. განსვენებული იყო დაჯილდოებული საფრანგეთის სამეცნიერო აკადემიის მიერ. ჰქონდა მრავალი დეკორაციები როგორც თავის, ისე სხვა ქვეყნების.

აბელ შევალეს გვერდში უდგა მისი მეუღლე და



საუკეთესო მეგობარი ქ-ნი მარგალიტა, ქალი ცნობილ მეცნიერისა და მწერლისა ოკუისტ საბატისი. ვისაც უნახავს ახლო ამ ორი დაუღლებულ მეგობრის ცხოვრება, ის მიხვდება, რომ გამოქვეყნებული ნაწერები იყო ნაყოფი ორთავეს ორგანიულ ნაფიქრ და გაზიარებულ შრომისა. დამატებობელი იყო მათთან მუსაიფი, რომელშიც უაღრესათ შროიანი ფრანგული ფორმა და ღრმა შინაარსი ერთმანეთს ეჯიბრებოდა. ამ ორიოდ წლის წინეთ პარიზს ეწვია ინგლისის დიდი მწერალი უელსი და მან ინტიმურ ლიტერატურულ მუსაიფისთვის ფრანგ მწერლებთან აბელ შევალეს ოჯახი აირჩია, სადაც მასპინძელი ბრწყინავდა თავის ცოდნითა და მოსწრებული სიტყვა-პასუხით ორთავე ენაზე, რაიცა კიდევ აღნიშნა დიდმა პრესამ. აბელ შევალე და მისი მეუღლე იტყოდენ ნახევრათ ხუმრობით, რომ ისინი ჰუგენოტების შთამომავალნი არიან, და, მართლაც, ისინი, თითქო შემკვიდრეობით, მემარცხენე იყვნენ პოლიტიკაში, თუმცა არც ერთ პარტიას არ ეკუთვნოდენ.

საკმარისი იყო ერთხელ მაინც თვალი გადაგველოთ აბელ შევალეს პატარა სახლისთვის საფრანგეთის ერთ-ერთ კეკლუც სოფელში (შანსეი), მის გარეგნულ და განსაკუთრებით შიგნით მორთულობაზე, რომ მაშინვე გეგრძნოთ მასპინძლების დიდი გემოვნება და ორიგინალობა. ყოველ ზაფხულს იქ მიისწრაფოდენ ორივენი დასასვენებლათ საკუთარ პატარა ავტომობილში, რომელსაც ხან ერთი უჯდა რულთან, ხან მეორე. მაგრამ ამ ზამთარს ის ვერ დაბრუნდა პარიზში, თითქო სურდა თავისი უკანასკნელი დღეები შანსეიში დაეღია, რაიცა კიდევ აუხდა და იქვე შიბარეს მიწას სადა და გულის ამტოვებელი სიტყვებით ერთ გადაშლილ გორაკზედ. სოფლელები და ამხანაგები დასტიროდენ მათ საყვარელ მერს და ფრიად იშვიათ ფრანგს და მოქალაქეს.

ქართველი ერი იგრძნობს, თუ ვინ დაკარგა მან აბელ შევალეში, როცა გადრწლება მის წინ მთელის სიგრძე-სიგანით განსვენებულის მოღვაწეობა ტფილისში და განსაკუთრებით საქართველოს უბედუ-

რობის შემდეგ. სწორეთ ის გამოუძღვა გახიზნულ ეროვნულ მთავრობას საფრანგეთში, რომელიც მრავალ სხვა ქართველთა მეორე სამშობლოდ იქცა. ის დაუხარებლათ მუშაობდა სიტყვით და კალმით საქართველოს აღდგენისთვის და ღრმით სწამდა მისი მომავალი. მან დაარსა, სხვ. შორის, საქართველოს მეგობართა საზოგადოება პარიზში. მაღალბუნებოვანი და სპეტაკი აბელ შევალე ვერ ურიგდებოდა «ამ ქვეყნის მშვენიერ წალკოტის», როგორც ის ეძახოდა საქართველოს, ბარბაროსების მიერ დაქცევას, ის იტანჯებოდა ქართველი ერის ტანჯვით, პირსა და ლხინში მასთან იყო სულიერათ. მას განზრახული ჰქონდა ერთი ორიგინალური შრომის დაწერა საქართველოზე და ამისათვის მასალას აგროვებდა, მაგრამ მარტო მისი დაკვირვებანი ადგილობრივ ბუნებაზე და ხალხზე, მათ გარეგნობაზე და ხასიათზე, ათასნაირ ნუანსებზე, რომელნიც გაკვირვებას გვრიდნენ მსმენელთ, სრულიად საკმარისი იყო ამ შრომისათვის; თუ არა ავტორის თავდაბლობა და პასუხისმგებლობის გრძნობა...

აბელ შევალეს მეორე სურვილიც არ აუხდა: თავის საყვარელ მეუღლით თავისუფალ საქართველოში ჩასვლა. ის იტყოდა ხოლმე, ჩემი დიპლომატიური კარიერა საქართველოთი გავათავეო, მაგრამ მისმა მახლობლებმა ვიცოდით, ტფილისიდან დაბრუნებული ჯერ კიდევ ჯიელი აბელ შევალე გახდა მსხვერპლი საქართველოს უბედურობისა! ამაზე ლაპარაკის დრო ჯერ არ დამდგარა.

მუხლი მოვიდრიკოთ მის ცხედრის წინაშე და ჩვენი უღრმესი თანაგრძნობა მიუძღნათ ქ-ბ მარგალიტა შევალეს, მის ახალგაზდა მეცნიერ ვაჟს და ორ მშვენიერ პატარა შვილი-შვილებს, განმგრძობთ აბელ შევალეს დიდი საქმისა.

«ამ ქვეყნის მშვენიერი წალკოტი» ფიანდახად დაეგება განსვენებულს და ქართველი ერი, მსცოვანი, მაგრამ მუდამ ახალგაზდა, ერთგული თავის რაინდულ ტრადიციებისა, არ დაივიწყებს თავის დიდ მეგობარს აბელ შევალეს.

1 9 3 3 წ ე ლ ი

გასულმა წელმა ვერ გადასჭრა ვერც ერთი მწვავე მსოფლიო კითხვა, რომელიც მას დაუტოვა 1932 წელმა. პირიქით, ისინი უფრო აიწიწენ, გართულდენ, იქცენ ნამდვილ გლოდიუსის კვანძად, რომლის მშვიდობიანი გახსნა თითქმის უიმედოთ არის მიჩნეული. ამის დასამტკიცებლათ საკმარისია მოვიტანოთ ორიოდ საყოველთაოთ ცნობილი მაგალითი. ლო-

დონის მსოფლიო კონფერენციას მიზნად ჰქონდა დასახული მძინვარე ეკონომიურ და ფინანსიურ კრიზისის საერთო ძალით დაძლევა, მაგრამ ვერ მოასწრეს კითხვების უბრალო დასმა, მაშინვე აღმოჩნდა ქვეყნების და თვით კონტინენტების ისეთი ურთიერთი წინააღმდეგობა, რომ კონფერენცია «გადანიღო» ან უკეთ—დაიშალა. არც ქვენეის განიარაღების



კონფერენციას ხვდა უკეთესი ბედი: ორი წლის ნაცლდვილელი მუშაობა ამაოთ ჩატარდა. სახელი გაუტყდა ერთა ლიგასაც, იპაონიის შემდეგ მას ჩამოშორდა გერმანია და, მაშასადამე, შვიდი დიდი სახელმწიფოდან ოთხი მის გარეთ არიან. კითხვაა დასმული ერთა ლიგის პაქტის «რეფორმისა», ე. ი. მისი ფარატირა ქალაქად ქცევისა.

სამაგიეროთ დიდ პატივშია თვითეულ სახელმწიფოს საკუთარ საზღვრებში დახევა, საკუთარ ძალებზედ დამყარება. რაც შეიძლება მაღალი საბაჟო გალავანი, რაც შეიძლება მეტი შეიარაღება—აი მისწრაფება თვითეულისა და ყველასი, სულ ერთია, კანონიერია ეს თუ უკანონო.

ცხადია, ყველა გრძნობს, რომ ეკონომიის და პოლიტიკის ასეთი შეტრიალება არავის უქადის ბედნიერებას, პირიქით, სწორეთ მას შეუძლია გამოიწვიოს საშინელი კატასტროფა, რომელიც ქვას ქვანედ არ დასტოვებს და კაცობრიობას პირველყოფილ მდგომარეობას დაუბრუნებს. ეს ნათლათ მოასწავებს, რომ არსებული წესწყობილება და მისი მესვეურნი ვერ სდგანან მომენტის სიმადლებედ, ვერ გამოიჩინეს უნარი და ვერც საკმაო უანგარობა, რომ ეროვნულ საზღვრებში დაუძლეველნი სიძნელენი საერთაშორისო ნიადაგზედ ეძლიათ. აქედან სოციალ-პოლიტიკური კრიზისი თვითეულ ქვეყანაში და სასოწარკვეთილი ცდა მასთან შებრძოლებისა.

თუ როგორია მეთოდი ამ შებრძოლებისა, გერმანიამ დაგვანახა შარშან. ხალხის უმრავლესობამ ზურგი შეაქცია ვაიმარის რესპუბლიკას და თავისი სვე-ბედი დაუგვირგვინებელ, მეფეს—პიტლერს ჩააბარა. უკანასკნელი, ნაციონალიზმის და სოციალიზმის სახელით, სპობს ძველ პარტიებს და მოქალაქობრივ თავისუფლებას და ცდილობს სამხედრო წესით ქვეყნის ეკონომიის გარდაქმნას. სანიმუშოთ პიტლერმა დუჩეს გეგმა აიღო: სახელმწიფოს კორპორატიულათ აგება და სამხედრო დისციპლინა, სადაც ერთია მბრძანებელი, ხოლო დანარჩენები—ამსრულებელნი.

თქვენ შეგიძლიათ მოიწონოთ ან არ მოიწონოთ ეს მედრდი, ერთი მაინც უნდა აღიაროთ: როგორც ნაზები, ისე ფაშისტები ბრძოლას უცხადებენ თანამედროვე კაპიტალისტურ წესწყობილებას, უნდათ ის სხვა წესწყობილებით შესცვალონ, პირველნი სოციალიზმს ეძახიან მას, თუმცა მასში არ გულისხმობენ კერძო საკუთრების მოსპობას, და აწევიან, როგორც მეორენი, სახელმწიფოს ყოვლადშემძლეობას, ის უნდა გახდეს ყველაფერი, ადამიანი არაფერი, ანუ მისი ყმა.

აქედან სულაც არაა გასაკვირი, თუ სოციალისტური ინტერნაციონალი აცხადებს სოციალიზმი წეს-რიგში სდგას. რასაკვირველია, ეს სოციალიზმი სხვაა და მისი მიმდევარნი, სოციალდემოკრატები, თითქო მიწიდან აღგავეს გერმანიაში, ისე როგორც იტალიაში 1922 წელს. მაგრამ ჩვენ ამ ბრძოლას და მის შორეულ პერსპექტივებს არ ვეხებით, აღვნიშნავთ მხოლოდ, როგორც გამარჯვებულნი ამ დროებით, ისე დამარცხებულნი უკმაყოფილო არიან დღევანდელი რეჟიმით და ლამობენ მის გარდაქმნას, ერთნი დიქტატორული, მეორენი დემოკრატიული გზით.

აქ იჩენს თავს ეგრ. წოდ. ნეო-სოციალიზმი, რომელიც აცხადებს: დემოკრატიული სახელმწიფო სულაც არ ნიშნავს სუსტ სახელმწიფოს, პირიქით, ის უნდა იყოს მაგარი და მტკიცე, რომ იგივე არ მოგვივიდეს, რაც ჩვენს თანამოაზრეთ იტალიასა და გერმანიაში. ვინაიდან კაპიტალისტები ეროვნულ საზღვრებში იხვევენ—ამბობენ ნეო-სოციალისტები—, ჩვენც უნდა დავიხიოთ და უნდა დავისახოთ სამი ამოცანა: ხელისუფლება, წესიერება და ერთი. სოციალიზმი ჩვენი მიზანია, მართალია—განაგრძობენ ისინი—, მაგრამ, სანამ მას მივალწევდეთ, საჭიროა კიდევ დღევანდელ პირობებში განვანორციელოთ აუცილებელი რეფორმები და შევქმნათ ერთგვარი გარდამავალი რეჟიმი, რომელიც არც კაპიტალიზმი იქნება და არც სოციალიზმი. მხოლოდ ასეთი მეთოდით შევძლებთ ჩვენ მოვიზიდოთ არა მარტო მუშები, არამედ წვრილი მესაკუთრენიც, ე. ი. ყველა «ანტიკაპიტალისტები», რომელნიც უამისოთ უთუოთ ფაშისტებს მიეკედლებიან.

ფრიად საინტერესოა, რომ ნეო-სოციალიზმის იდეის განხორციელება თავის პრაქტიკულ გეგმად დაისახა პატარა ქვეყნის—ბელგიის მუშათა პარტიამ. მან მიიღო ანრი დე მანის «სამუშაო გეგმა», რომელიც უპირველესათ მოითხოვს კრედიტის ნაციონალიზაციას და ამ მიზნით ხელისუფლების, სხვა პარტიებთან გაუნაწილებლათ, მუშათა პარტიის მიერ ხელში ჩაგდებას ლეგალური გზით, ე. ი. საყოველთაო არჩევნებით.

მაგრამ რაც ევროპაში მასიური ბრძოლით და თეორიული წინასწარი მომზადებით წარმოებს, იგივე ამერიკასა და აზიაში უბრძოლველათ და მოუმზადებლათ მეორდება. ესლაც ყველას გვახსოვს, რა დიდი შთაბეჭდილება მოახდინა ამერიკის შეერთებულ შტატების ახალ პრეზიდენტ რუზველტის ეგრ. წოდ. «აღდგენის აქტმა». მსოფლიოს მთელი ბურჟუაზია სახტათ დარჩა და მისი პრესა მტრულათ შე-

ხვდა ისეთ რევოლუციურ ზომებს, როგორცაა სა-
მუშაო დღის დაკლება და ხელფასის აწვევა ერთსა და
იმავე დროს. რუხველტის «ექსპერიმენტი» გრძელ-
დება და კონგრესი მას მოიწონებს ალბათ, რაიცა
მოასწავებს ერთგვარ ეკონომიურ დიქტატურას, ან
კიდევ *économique dirigée*, როგორც მას ევროპაში
ეძახიან.

ეკონომიური და ფინანსიური კრიზისი არანაკ-
ლებია იაპონიაში, ვინემ ამერიკაში, მაგრამ ზომები
იქ სხვა ხასიათისაა. ჩვენ ვართ აზიაში და იქ კი დი-
ქტატურა სამხედრო ხასიათს იღებს ბუნებრივთა-
იაპონია ზედმიწევნით დაწინაურებულია ყოველ
მხრივ, მისი იაფი საქონელი დემპინგისავით მოქმე-
დება არა მარტო აზიაში, თვით ევროპა-ამერიკაშიც
და იწვევს მკაცრ საბაჟო რეპრესიებს, მაგრამ ისეთი
ქვეყნების მეზობლობა, როგორცაა ჩინეთი და საბ-
ჭოთა კავშირი, სამხედრო დიქტატურას წესრიგში
აყენებს. იგი ფაქტიურათ უკვე არსებობს, მეთაურიც
ჰყავს—გენერალი არაკი და ელის ზოგიერთ ხელსა-
ყრელ პირობებს მისი ფორმალურათ გამოცხადე-
ბისთვის როგორც საშინაო, ისე საგარეო სფე-
როში.

ჩვენ ვაღწევთ საბჭოთა კავშირის საზღვრებს,
ვინაიდან ჩინეთის ვითარება ჯერ კიდევ არაა იმ-
დენათ მომწიფებული, რომ თვალსაჩინო როლი
ითამაშოს საერთაშორისო კონცერტში. საბჭოთა
კავშირის ვითარება ხომ ჩვენი განუწყვეტელი
მსჯელობის საგანს შეადგენს, არაფერია ჩვენთვის
უცნობი, ჩვენი ერთი მის ფარგლებში იტანჯება.
ცხადია ერთი რამ: «ერთი ქვეყნის სოციალიზმი» ვერ
ხეირობს, ხმელეთის მეექვსედის ქონებისა და სიცო-
ცხლის დაპატრონება ავაზაკთა ბრბოს მიერ და ტე-
რორით მისი განმტკიცება არ ძალუძს მათ ბელადს
სტალინს. მართალია, მათ ხელს უწყობს მსოფლიო
კრიზისი, ევროპა-ამერიკის მმართველი წრეები კი-
დეც ესმარებიან მათ, ზოგიერთნი აშკარათ მეგობ-
რობენ, მაგრამ ყველა ეს ვერ გადაარჩენს მათ რეჟიმს
დამხობისაგან.

ჩვენ ზოგადად და სხარტათ შევხებით სამი კონ-
ტინენტის ზოგიერთ ტიპიურ მოვლენებს, რომელ-
საც ადგილი ჰქონდა 1933 წ., როგორია მათი ტენდე-
ნცია? ევროპა, ისე როგორც ამერიკა და აზია, თვი-
თეული თანდათან ასუსტებს კავშირს დანარჩენ ორ-
თან და თავის ფარგლებში ეძებს გამოსავალს. ევრო-
პაში სახელმწიფონი, გარდა გერმანიისა და იტალი-
ისა, ერთა ლიგის წიაღში ცდილობენ ურთიერთ ან-
ტაგონიზმის დაშოშმინებას და მშვიდობიანობის
დაცვას. მონტევიდეოში (ურაგვაი) ამ ქამად მუშა-

ობს კონფერენცია, რომლის მიზანია ამერიკის 20
რესპუბლიკის ერთგვარი ლიგის დაარსება იმავე მი-
ზნის მისაღწევათ. აზიაში იაპონია აშკარათ ცდი-
ლობს მონროეს დოქტრინის განხორციელებას ლა-
ზუნვით: აზია აზიელებისთვისა.

მაგრამ თვითეულ კონტინენტის ეს ტენდენციე-
ბი ჯერ კიდევ არაა ისე ძლიერი, რომ მათ შესძლონ
მოაწესრიგონ მწვევე სადაო კითხვები შიგნით. არის
დიდი განსხვავებაც. ამერიკაში, მაგ., მიუხედავთ
მრავალ სახელმწიფო გადატრიალებათა შიგნით და
ზოგიერთ ადგილობრივ კონფლიქტისა გარეთ, ომის
მთელს კონტინენტზედ მოდების კითხვა არა სდგას.
ევროპაში მდგომარეობა უფრო დანაღრთულია და
სახიფათო, მაგრამ აქაც უკანასკნელ წუთში შედრკე-
ბიან, ვისგანაც დამოკიდებულია, ომის წინაშე, რო-
მელიც უთუოთ სამოქალაქო ომით დამთავრდება.
სულ სხვაა აზიაში, აქ მოგროვილ წინამდევობათა
კვანძი თითქო იარაღმა უნდა გადასჭრას.

როცა შორეულ აღმოსავლეთში, ათასეულ კი-
ლომეტრის საზღვრებზედ, მოსკოვი აგროვებს წი-
თელ ჯარების მესამედს და ამ ფაქტს დღე მუდამ
საჯაროთ ხაზს უსობს ტოკიოს საგარეო თუ სამხე-
დრო სამინისტრო, ცხადია რა შედეგი უნდა მოყვეს
მას. გავიხსენოთ. 1914 წელს ვილჰელმა ომი გამოაც-
ხადა რუსეთის მიერ საყოველთაო მობილიზაციის
შემდეგ. იაპონიის მიკაღო, მართალია, ისე არ აჩხა-
რუნებს იარაღს, როგორც გერმანიის იმპერატორი.
მაგრამ მთელი საშიშროება სწორეთ იმაშია, რომ
იაპონიის სამზადისი უჩინარია და შეიძლება ამიტომ
უფრო ინტენსიურიც. მოსკოვი, მოლოტოვის, ლი-
ტვინოვის და რადეკის პირით, არ ერიდება გამოაშ-
კარაოს თავისი სამზადისი და თავიციკი მოაქვს ამით.
აშკარაა, ამერიკის მიერ ცნობამ და საფრანგეთის
დაახლოებამ ის ერთობ გაათამამა. რამდენათ საფუ-
ძვლიანია ეს გათამამება?

ამერიკას უთუოთ სურდა გაემაგრებინა ზურგი
რუსეთისათვის, ეს უდაოა, მაგრამ ეს არ მოასწავებს,
რომ ის ჩაერევა ომში, და ამის საჩვენებლათ ერთი
ყესტი კიდევ გააკეთა მან, როცა თავისი ესკადრა
დიდი ოკეანედან ატლანტიკში გადაიყვანა. ამ საში-
ნელ კრიზისის დროს, როცა რუხველტი ჩაფლულია
აღმშენებელ მუშაობაში, გამორიცხულია მისი ჩათ-
რევა ომში, რომელიც სრულიად მიუღებელია თვით
ამერიკის ხალხისთვის. არის მეორე დიდი სახელმწი-
ფო—ინგლისი, რომელიც აშკარათ მომხრეა მისი
ტრადიციულ მტრის—რუსეთის დასუსტებისა; მარ-
თალია. გარეგნულათ ის მშვიდობიანობას უგა-
ლობს, მაგრამ ვიკერსის ქარხნებს მხოლოდ დიდი



ომის დროს თუ ჰქონდა ისეთი გახურებული მუშაობა, როგორც დღეს აქვს და დაკვეთები უმთავრესათ იაპონიისა. რუსეთ-საფრანგეთის ძველი ალიანსის აჩრდილმა დიდი როლი ითამაშა ინგლისის პოლიტიკის ტრადიციულ პოზიციებზე დახვევაში, ამით აინსნება, სხვათა შორის, მისი არბიტრის როლში გამოსვლა საფრანგეთსა და გერმანიას შორის. უკანასკნელი, დასასრულ, უახლოვდება იაპონიას, და კიტლერის გერმანიას ხომ იგივე მიზანი აქვს დასახული ხმელეთის-

მეექვსედის მიმართ, როგორც არაკის იაპონიას. ეს ზოგადი ხაზები სრულიად საკმარისია დღევანდელ საერთაშორისო მდგომარეობის გასათვალისწინებლათ. 1933 წელმა ისეთი მემკვიდრეობა დაუტოვა 1934 წელს, რომელზედაც ვერც უარს იტყვის და არც შეუძლია მისი მიღება, ასე ვთქვათ, კანონიერი და ლეგალური წესით. ვეცადოთ, არ დავიშუროთ არც ძალი და ღონე, არც ჭკუა, რომ ქართველი ერი, მთელი კავკასია, არ დარჩეს გარიყული მოსალდენელი მემკვიდრეობიდან.

საბჭოები ნაციონალ ლიგაში ზოგადია... თუ ნიადაგის მოსინჯვა *)

პირველი ახალი ამბავი, ყურს რომ მოესმა, იყო: «არ გავიგონიათ, ამბობენ, საბჭოთა რუსეთი ნაციონალ ლიგაში აპირებს შესვლას?» ამის მომხმენი მეგობარს შეხვდა: «იცი? ს. ს. რ. კ. თავის კანდიდატურას აყენებს!—მართლ? მერე ვინდა წარმოადგენს და გაუწევს მფარველობას?—არ ვიცი. მაგრამ ალბად საფრანგეთი, ვინაიდან ამ ორ სახელმწიფოთა შორის საუკეთესო განწყობილებაა». მოლაპარაკეთ აქ მესამე მიემატა ახალი ხმებით: «დანამდვილებით ვიცი, რომ საფრანგეთის დელეგატი წარადგენს საბჭოთა კანდიდატურას ნაციონალ ლიგაში».

და ეგუება დასავლეთის ლოკარნოს». ჯერ არაა: ეს «ჯერ არაა» საგულისხმიეროა ხომ? თუ ჰაერში არა იყოს რა, პოლ-ბონკურს შეეძლო უბრალოთ ეთქვა: «ს. ს. რ. კ., მართალია, არაა წევრი ნაციონალ ლიგის, მაგრამ...» აქედან უნდა დავასკვნათ: თუ საბჭოთა კანდიდატურა ჯერ დაყენებული არაა, გვაქვს სრული უფლება ვიფიქროთ, რომ ის იქნება წამოყენებული ანლო მომავალში.

ჭორებია ... თუ ნიადაგის მოსინჯვა? მოგონილია ეს, თუ ამით გზას უჩვენებენ მოსკოვს ენევისაკენ? სადაა სიმართლე? ამის გასაგებად, გადავიკითხოთ ყოველის უწინარეს ეხლახან გამოქვეყნებული სტალინის ინტერვიუ. რომ ჰკითხეს: «ნაციონალ ლიგას ყოველთვის უარყოფით უცქერით?» სტალინმა უპასუხა: «არა ყოველთვის, არა ყოველ პირობაში. მიუხედავად იმისა, რომ გერმანია და იაპონია ნაციონალ ლიგიდან გავიდნენ, ან პირიქით, სწორედ მათი გასვლის გამო, ნაციონალ ლიგა რჩება როგორც გამაფრთხილებელი დაწესებულება, რათა ხელი შეუშალოს და დააბრკოლოს საომარი მოქმედება. თუ ეს ასეა, თუ ნაციონალ ლიგას შეუძლია გააძნელოს ომის გამოცხადება და ემსახუროს მშვიდობიანობის დაცვას, მაშინ ჩვენ არა ვართ ნაციონალ ლიგის წინააღმდეგნი. თუ ამბავთა მიმდინარეობა ასეთი დარჩება. ჩვენ მხარს დავუჭერთ ლიგას, მიუხედავად მისი ბევრი ნაკლისა».

ნაციონალ ლიგას, უეჭველია, დიდად ვნებს ის გარემოება, რომ ბევრი დიდი სახელმწიფო თანამშრომლობს მასთან, როცა აქედან სარგებლობას გამოეღოს, ხოლო უარს ამბობს თავს იდვას მოვალეობა და პასუხისმგებლობა. ამ მხრით ლიგის გაფართოვება ფრიად სასურველია, მაგრამ ერთი არსებითი პირობით. თუ ვინმე მას ემხრობა, ეს მიმხრობა უნდა იყოს ლოიალური და. ვინც მას უერთდება, ვინც უნდა იყოს იგი, უნდა დაიწყოს მით, რომ თვითონ პატივი სცეს იმ მთავარ პრინციპებს, რომლებიც საფუძვლად უდევს ნაციონალ ლიგის პაქტს. ხოლო თუ ლიგაში შეუშვებს ისეთი სახელმწიფო, რომელიც უარყოფს თავის ხელის მოწერას, ეს მიყენებდა ლიგას დიდს ზნეობრივს და მატერიალურს ზიანს, ეს იქნებოდა ლიგისთვის საბედისწერო.

როგორ უპასუხა პარიზმა მოსკოვის ამ სიტყვებს? ყური დაეუვდოთ პოლ-ბონკურს საფრანგეთის სენატში: «ს. ს. რ. კავშირი, მართალია, ჯერ არაა წევრი ნაციონალ ლიგის, მაგრამ იმ პაქტების წყალობით, რომლებიც მან შეკრა თავის მეზობლებთან, ლიგის წევრებთან, იგი დაახლოვებულია ლიგასთან და ხელს უწყობს მშვიდობიანობას აღმოსავლეთ ევროპაში

რამდენიმე წლის წინად გერმანიამ, რომელიც თავის თავს განმარტობულად ჰგონობდა, საბჭოები ენევაში სტუმრად მოიყვანა. თვეების განმავლობაში საბჭოთა რუსეთი მას მხარს უჭერდა. მაგრამ ბოლოს და ბოლოს საბჭოებმა ზურგი შეაქციეს გერმანიას. დღეს თითქოს საფრანგეთს მოყავს ს. ს. რ. კ. ენევაში. არ გაუცრუვდება იმასაც იმედი? ნუ თუ მან დაივიწყა, რაც დაკარგა რუსეთში, აღარ ახსოვს ბრესტ-ლიტოვსკი?

*) ეს წერილი დაბეჭდილი იყო Journal de Geneve-ის ამა წლის იანვრის 19 ნომერში და ეკუთვნის ამ გავლენიანი გაზეთის მთავარ ხელმძღვანელს, ჩვენს მეგობარს ჟან მარტენს.

თუ ეს პოლიტიკური ხერხია, ადვილად მოსალოდნელია, იგი მისი ავტორების წინამძღვრეტრიალდეს. მაგრამ თუ საკითხს მივუდგებით უფრო საზოგადო თვალსაზრისით, საბჭოების მიღება ლიგაში საბედნიერო იქნება კაცობრიობისთვის? ჩვენ კვლავ ვიმეორებთ: ეს გულწრფელობის საკითხია. ამას თვით ლიგის პაქტი სვამს ასე გარკვეულად: «ყოველს სახელმწიფოს, რომელიც თავისუფლად მართველობს, შეუძლია გახდეს ნაციონალ ლიგის წევ-

რი, თუ ამას გადაწყვეტს საზოგადოებრივი ორი მუხამედი, იმ პირობით კი, რომ ეს სახელმწიფო იძლევა ნამდვილ გარანტიებს იმისა, რომ გულწრფელი სურვილი აქვს, დაიცვას თავისი საერთაშორისო ვალდებულებანი».

მაგრამ ჩვენ ხომ კარგად ვიცნობთ ბოლშევიკების ამ «გულწრფელობას». აი რუსეთ-საქართველოს 1920 წ. 7 მაისის ხელშეკრულების პირველი მუხლი: «აღიარებს რა რუსეთის სოციალისტურ ფედერატულ საბჭოთა რესპუბლიკის მიერ გამოცხადებულს ყოველი ერის თვითგამორკვევის უფლებას სრულ გამოყოფამდე, რუსეთი ყოველივე პირობის გარეშე სცნობს საქართველოს სუვერენობას და დამოუკიდებლობას და სრული ნებით უარს ამბობს ყოველ სუვერენულ უფლებაზე, რომელიც ეკუთვნოდა რუსეთს საქართველოს მიმართ».

ეს იყო 1920 წ. 7 მაისის. ხოლო 1921 წ. თებერვალში: საბჭოთა რუსეთის რესპუბლიკის ჯარი შეესია საქართველოს, განადგურა თავისი ხიშტებით და დაიმორჩილა. და აი ცამეტი წელიწადია უკვე, საქართველოს სახელმწიფო, საბჭოების მიერ დამოუკიდებლად ცნობილი, იტანჯება მათი უღლის ქვეშ!

პატარა დაზარალებული ერების მფარველი საფრანგეთი აღელვებული და აღშფოთებული იყო. დეპუტატთა პალატაში 1922 წ. ჰერიომ ასეთი სიტყვებით მიმართა მინისტრთა საბჭოს მაშინდელს თავმჯდომარეს პუანკარეს: «საქართველოს სუვერენობა გადაჭრით იყო ცნობილი მოკავშირე სახელმწიფოების

მიერ, იგი იცნო სრულიად გარკვეული ხელშეკრულობით რუსეთმაც. ვთხოვ მთავრობის თავმჯდომარეს კეთილ ინებოს და გამოაცხადოს, რომ მისი მთავრობა კვლავინდებურად მხარს უჭერს ამ დამოუკიდებლობას. თუ ასეთი განცხადება იქნება გაკეთებული საფრანგეთის სახელით, რომელიც ყოველთვის მხარს უჭერდა პოლონეთის და ჩეხების დამოუკიდებლობას, ჩვენ გავამხნევეთ უბედურს და დაზარალებულს ერს». პუანკარემ უპასუხა: «პატივცემულმა ჰერიომ თვითონ გამოსთქვა მთავრობის აზრი, რომელიც არა ერთხელ გამოგვითქვამს საქართველოს სახელმწიფოს მიმართ».

ს. ს. რ. კავშირის ეძლევა მშვენიერი შემთხვევა იმის ნამდვილი გარანტიის მოსაცემად, რომ გულწრფელი განზრახვა აქვს საერთაშორისო ვალდებულებათა დაცვის. საკმარისია, მიეგებოს ჰერიოს, ზევით ნახსენებ სურვილებს და ნულარ თელავს ფეხით საკუთარი ნებით 1920 წ. მაისის 7 დადებულ ხელშეკრულებას, საკმარისია დაუბრუნოს საქართველოს დამოუკიდებლობა. ეს დებულება საუცხოვოთ განავითარა ვდგ. მილომ 1926 წ. გამოცემულ ბროშურაში და ასეთ რეზოლუციამ გამოკვეთა:

«საქართველოს დამხმარე საერთაშორისო კომიტეტი აცხადებს, რომ ნაციონალიზმის წევრ სახელმწიფოების გარდაუვალი მოვალეობაა მოაგონონ რუსეთს, როცა ის მოინდომებს ლიგაში შესვლას, პატივი სცეს თავის ხელის მოწერას, და ამიტომ არ მიიღონ იგი წევრად, სუვერენულ და დამოუკიდებელ საქართველოსთან შეუთანხმებლად».

ეროვნულ ბრძოლის გეზისა და ტაქტიკის გაზარტოვებისათვის


საქართველოს განმათავისუფლებელი ბრძოლის მიზანი და გეგმა ყველა ჩვენი წრეების მიერ მიჩნეულია სავსებით უდავოთ, გადაჭრით და გადაწყვეტილად. სამწუხაროდ ეს სავსებით ასე არ არის. მართალია ეს ჩვენი ეროვნული მიზნები დავას არ იწვევს. ქართველი ერი რომ იბრძვის თავისუფლებისათვის, ეს ბუნებრივია და ყველასთვის გასაგები. ყოველი ერი ასე იქცევა და ასეთი მისწრაფება მას არ დაეკარგება, სანამ ერი ერობს. მაგრამ ის, რაც საყოველთაოა, ყველას მიერ უდავოდ და სავალდებულოთ მიჩნეული, ზოგადი მცნების ხასიათს ღებულობს და არ ჩაითვლება პოლიტიკური გეგმის შინაარსად. ის სულია მისი და რეალურ მოვლენად მხოლოდ მაშინ გახდება, როდესაც ხორცს შეისხამს, აზრი მოქმედებას დაუკავშირდება და მიზანი კიდევ განადღების გზებსა და საშვალელებს.

ამ მხრივ ჩვენი ეროვნული მიზანი საფუძვლიანად შევსებასა და შეკეთებას საჭიროებს. ჩვენ ვიბრძვით საქართველოს სუვერენობის აღდგენისათვის, მაგრამ ნაკლებად გვაქვს გამორკვეული და შესწავლილი ის სხვადასხვა გზები და საშვალელებანი, რომლებმაც ჩვენ მას უნდა მიგვაახლოვოს თუ მასთან მიგვიყვანოს. ბრძოლისა და მოქმედების სხვადასხვა გზები, სხვადასხვა საშვალელებანი, ამ ბრძოლის საშინაო და საგარეო პირობები, მუდმივ მერყევი და

ცვალეზადი, მუდმივი შესწავლისა და გარკვევის საგანს წარმოადგენს. თუ ბრძოლის გეგმა მხოლოდ მშრალ მიზანს შეიცავს და არა ყველა ამ საკითხთა ჯამს, ასეთი ბრძოლა მუდამ უნიციტივო იქნება, მოკლე მანძილიანი, მოწინამდევე ძალთა სათამაშო, საკუთარ ნებისყოფას მოკლებული, სხვათა ნებისყოფაზე დამოკიდებული.

ამ მიმართულებით ჩვენი პოლიტიკა დიდათ მოისუსტებს და მნიშვნელოვან შევსებასა და შეკეთებას საჭიროებს.

კარგა ხანს ის ჩვენი ეროვნული პოლიტიკა რუსული პოლიტიკის ჩარჩოებს ვერ სცილდებოდა, მაგრამ ამ მიმართულებითაც მას არ აქვს საჭირო სისრულე. მეფის რუსეთის ხანაში ჩვენი ეროვნული პოლიტიკის გასაქანი ფრიად ვიწრო იყო, ქართული კულტურისა და ეკონომიური და პოლიტიკური ცხოვრების ელემენტარულ საჭიროებათა დაცვისა და დაკმაყოფილების სფეროს ვერ სცილდებოდა. რუსეთის იმპერიის დამხობამ გაუხსნა საქართველოსა და სხვა არა რუსთა ქვეყნებს საკუთარი სახელმწიფოებრივობის აღდგენის გზები. მაგრამ სანამ საქართველოს სახელმწიფოებრივი ცხოვრება მტკიცე საფუძვლებზე არ დამყარდებოდა, სანამ ქართველი ერი არ განთავისუფლდებოდა ასი წლის მონობის მემკვიდრეობისაგან და არ აღიქურვებოდა მტკიცე და



დამოუკიდებელი ნებისყოფით. მისი ზრახვები და მისწრაფებანი ვერ გახდებოდნენ საქმარისად ფართო და ფრთა გაშლილი. რუსეთის საშიშროება მისთვის რეალურ საფრთხეს წარმოადგენდა და მისგან თავდაცვის გზები საკვლევია და საქმებელი იყო. ქართული პოლიტიკა ამ სხრივ ორი მიმართულებით მოქმედებდა. ერთი იყო საკუთარი ძალით თავდაცვის საქმის მოგვარება საკუთარ შესაძლებლობათა ფარგალში და მეორე—რუსეთის პოლიტიკურ წრეების დარწმუნება და დაჯერება, რომ ქართველი ერი მტკიცედ და საბოლოოდ დაადგა დამოუკიდებელი ცხოვრების გზას, რომ ის ემყარება ურყევ იურიდიულ უფლებებს, უდავო ინტერესებსა და მთელი ერის ერთსულოვან ნებისყოფასა და რომ ასეთს პირობებში რუსეთის ინტერესები მოითხოვს ამ ფაქტის შეგუებასა და მასთან თავის პოლიტიკის შერიგებას. საქართველომ იმ ხანად ჯეროვანად ვერ გამოიყენა ამის გარეშე მყოფი სხვა გზები და სავალდებანი.

რუსეთის ერთსულოვანი განწყობილობა საქართველოს მიმართ მალე გამქლავნდა საეხსებით ნათლად და გარკვეულად. ყველა პარტიებმა და მიმდინარეობამ საქართველოს დამოუკიდებლობის წინააღმდეგ გაილაშქრა. მემარჯვენე რუსეთი მეფის რუსეთის გზით წავიდა და დენიკინის ხელით მას მახვილი მოუღირა. სოციალისტებმაც ის ჯერ იცინეს, ხოლო შემდეგ თავისი ნამდვილი განზრახვები გაამქლავნეს და სხვათა შორის სიტყვით შეურიგდნენ. ხოლო კომუნისტებმა, რომელნიც ერთა გამორკვევის იდეას იცავდნენ, ცეცხლითა და მახვილით შემუსრეს და წააქციეს.

თვით სამშობლო დაკარგული რუსის ემიგრაციაც ამავე გზით მიდის. საბჭოთა ძალაუფლების დამცობა და მოსკოვის დაბრუნება მათთვის განუყრელი თბილისისა და ხარკოვის დაბრუნებასთან. რუსულ ემიგრაციის ყველაზე თვალსაჩინო წარმომადგენელი, პავლე მილიუკოვი, მეთაური რესპუბლიკანურ-დემოკრატიულ კოალიციისა, ასეთს გეგმას გვისახავს თავის «სამს პლათფორმაში»: თუ რუსეთის ეროვნებანი უფრო ადრე განთავისუფლდებიან საბჭოთა რეჟიმისაგან, ვიდრე რუსეთი მთლიანად, ისინი მოაწყობენ დროებით ერთგვარ კონფედერატულ კავშირს, რაც შემდეგ გადაიქცევა ფედერაციად თუ ავტონომიურ წყობილებად. ხოლო თუ განთავისუფლება მოხდა არა ნაწილობრივ, არამედ მთლიანად და ერთდროულად, ცენტრის მონაწილეობით, მაშინ ცხადია სხვა გვარი სურათი იქნება». მაშასადამე თუ ერები მოსკოვზე უფრო ადრე განთავისუფლდნენ თავის ძალითა და სავალდებით, ისინი დროებით ცალკე უნდა მოეწყონ, მაგრამ როგორც ქართველი განთავისუფლდება, თავისი თავი მას ხონჩაზე უნდა მიართვან და ისიც მათ ავტონომიას მიანიჭებს, რასაკვირველია, თუ ამას მოისურვებს. მაგრამ თუ ეს ერები და მოსკოვი ერთ და იმავე დროს განთავისუფლდებიან, «მაშინ, როგორც მილიუკოვი გვპირდება, ცხადია სხვა გვარი სურათი იქნება». რასაკვირველია ეს სურათი გაცილებით უარესი იქნება და ამის გამო მილიუკოვი მას წინდაწინ არ გვიმტკიცებს. მაგრამ ამის გამოცნობა არც ისე ძნელია, რო-

დესაც ჩვენ ვიცით ძველი რუსეთის ხაზი ამ მიმართულებით და ეხლანდელ მის დაჯგუფებათა და პარტიების აზრი და სულისკვეთება. ეს იქნება აღდგენა ძველი რუსეთის იმ კოლონიალურ პოლიტიკისა, რომელსაც თვით მილიუკოვი «ასირიული» პოლიტიკას უწოდებს—ძალდატანებითი ასსიმილიაცია, ყოველივესი ცენტრიდან მართვა და სხ. და სხვაგვარი პოლიტიკის წარმოება რუსეთს არც შეეძლება, ვინაიდან თუნდაც თანამედროვე ევროპიულ კოლონიალური პოლიტიკის წარმოებისათვის თუ მეფის რუსეთს არ მოეპოვებოდა საჭირო კულტურული და ეკონომიური შესაძლებლობანი, ეს კიდევ უფრო ნაკლებად ექნება, ამის სურვილიც რომ ჰქონდეს, იმ წრეებს, რომელნიც გახდებიან კომუნისტური რეჟიმისაგან სულეირად და ქონებრივად დაუძღურებულ რუსეთის მემკვიდრეებად.

მაშასადამე ყველა ჯურის რუსობა უთბილისოდ, უხარკოვოდ და უსამარყანდოდ არ თანხმდება მოსკოვისა და ძირეული რუსეთის დაბრუნებას. ასეთი გარემოება ბუნებრივად უნდა იწვევდეს ჩვენი ბრძოლის გეგმისა და ტაქტიკის შევსებას. საქართველოსა და სხვა დამონებულ ერთა პოლიტიკურ გეგმებში საფუძვლიანად უნდა იყოს დამუშავებული არა მარტო ამ ქვეყნების განთავისუფლებისა და მოწყობის საკითხები, არამედ თვით რუსეთის განთავისუფლების, და მისი მომავალი პოლიტიკის გზები და შესაძლებლობანი. რასაკვირველია ამ ერთა გეგმებში არ შევა რუსეთის ტერიტორიის შესახებ რაიმე პრეტენზიები, როგორც ამას დაჟინებით მისდევს რუსეთი ჩვენს მიმართ, მაგრამ ჩვენი არსებობის შენარჩუნებისათვის დიდი მნიშვნელობა აქვს იმას, თუ რა მიმართულებას მიიღებს რუსეთის განთავისუფლებისათვის ბრძოლა, რა ძალები გაუწევენ მეთაურობას ამ ბრძოლას და რა ძალები ჩაუდგებიან მას სათავეში საბჭოთა ძალაუფლების დამსობის შემდეგ. ამ მიმართულებით უთუოდ დიდს ინტერესს იჩენენ და გამოიჩენენ მრავალი სახელმწიფონი, რომელნიც უშუალოდ სრულებით არ არიან დაკავშირებული რუსეთის აწმყო და მომავალ ბედთან. ჩვენი მდგომარეობა ამ მხრივ სულ სხვაა. ჩვენი უშუალო ინტერესების განაღდება დიდათ არის დამოკიდებული იმაზე, თუ როგორს პირობებში მოხდება მოსკოვის განთავისუფლება ბოლშევიკებისაგან და რა ძალები დაიჭერენ იქ მათ ადგილს.

საქართველო და რუსეთისაგან დამონებული სხვა ერები, რასაკვირველია, მიხნად არ დაისახავენ რუსეთთან მუდმივი მტრული განწყობილობის დანერგვას. წინამდევ ამისა მათი გეგმა იქნება გეგმა ინტერესთა შერიგებისა და შეთანხმების, კეთილი მეზობლური განწყობილობისა და ურთიერთობის შექმნის. მაგრამ სანამ რუსის ხალხს დარჩება ეს მუდმივი ბოროტისა და ხეტიალის სულსიკვეთება, სანამ ის არ შეჩერდება თავის მიწა-წყალზე და არ შეუდგება მანედ თავის სახელმწიფოებრივი ცხოვრების მოწყობას მშვიდობიანი შრომითა და შემოქმედებით, მანამდეს ის მუდმივი საფრთხე იქნება ყველა მის მეზობელ ერებისათვის და ამათი თავდაცვის მუდმივ ამოცანად დარჩება, რომ საერთოდ ჰქონდეთ მი-



სკენ თვალი და საერთო ძალით ცდილობდნენ მის გარშემო ზღუდეების ამაღლებას და განმტკიცებას.

საქართველო და კავკასია საკმარისად მნიშვნელოვან როლს თამაშობდა მეფის რუსეთის ცხოვრებაში. ეს როლი გაცილებით გაიზარდა ამ უკანასკნელ ოცდაათი წლის მანძილზე. ჩვენ არ გვაქვს საბუთი ვიფიქროთ, რომ ის მცირე იქნება საბჭოთა რუსეთის წაქცევის ხანაში. საჭიროა მხოლოდ ამ მიმართულებით ყველა გზებისა და შესაძლებლობის გათვალისწინება და გამოყენება. საჭიროა ჩვენი ძველი ვიწრო თავდაცვის გეგმის შეცვლა, ვინაიდან სამხედრო მეცნიერება გვასწავლის, რომ მართლ თავდაცვის გეგმა გამარჯვებით ძლიერ იშვიათად გვირგვინდება.

რუსეთის წრეები დარწმუნებული არიან, თუ ასე გვაჩვენებენ თავს, რომ საკმარისია მოსკოვის ესლანდელი წყობის წაქცევა და მის ნაცვლად სხვა ძალის მოხვლა, რომ არა რუს ერებს შიშისაგან გული წაუვიდეთ და მოსკოვის პატივება და შებრალება სთხო-

ვონ წარსულ შეცოდებებისათვის. თუ ეს არ მოხდა, მათ იმედი აქვთ, რომ უბრალო მათზე შეტევა საკმარისი იქნება, რომ რუსეთსა და მათ შორის ამართული კედლები დაიშსვრეს და «მთლიანი და განუყოფელი» რუსეთი აღსდგეს. უთუოდ უფრო რეალური მოსალოდნელობაა, რომ საბჭოთა ძალაუფლების წაქცევის შემდეგ რუსეთი კარგა ხანს იქნება გართული შინაურ სამოქალაქო ბრძოლით, ხოლო ერთი ეროვნული მიზნით შეპყრობილი რუსეთის ერები რუსეთზე უფრო ადრე აღადგენენ სახელმწიფოებრივ წყობას და შესაძლებლობა ექნებათ, რომ ამის შემდეგ რუსეთის მდგომარეობასაც ათხოვონ ყური და საერთო ძალით ხელი შეუწყონ მასში ისეთი პოლიტიკის დამყარებას, რომელიც უზრუნველყოფს რუსეთის მშვიდობიან ცხოვრებას და ამასთან ერთად არ დარჩება საშიშროებად ესლანდელ რუსეთის სივრცეზე აღდგენილ ეროვნულ სახელმწიფოთა დამოუკიდებელ არსებობისთვის.

ალ. ახათიანი.

რუს იმპერიალისტების უიში

კაცობრიობა ახალი ომის საფრთხის წინაშე დგას. ეგ საფრთხე იმდენად რეალური და ხელშესახები გახდა განსაკუთრებით მას შემდეგ, რაც გერმანიას ჰიტლერის რასისტული მთავრობა მოექცა სათავეში, რომ მის შესახებ განუწყვეტელი წერენ და ლაპარაკობენ როგორც პრესაში. ისე საზოგადოებაში. ერთა ლიგის რწმენა ყველას დაეკარგა, მისი იმედით დარჩენას ვერც ბედავს; არავის ჯერა, რომ ეგ ორგანო შესძლებს თავიდან ააცილოს კაცობრიობას ახალი ომის საშიშროება. ეგ იწვევს სახელმწიფოების ძველებურ წესებით დაჯგუფებას, ერთიმეორის მოწინააღმდეგე ბანაკებულ დაყოფას. დიპლომატიის გვერდით ამუშავდნენ გენერალური შტაბებიც; ატმოსფერა, რაც სრულიად ბუნებრივი და ჩვეულებრივი მოვლენაა ასეთ მდგომარეობისთვის, თთვის წამლის სუნით არის გაჟღენთილი. ეწყობა და მზადდება ისეთი მდგომარეობა, რომელშიაც ზარბაზნები თავისით იწყებენ შემზარავ ჭეჭეჭუნას.

ცხადია, რომ ამ მდგომარეობას ესა თუ ის გამოძახილი უნდა ეპოვა ემიგრანტულ წრეებში და მათ პრესაშიც; კიდევ იპოვა: ზოგს იმედები გაუღვიძა, ზოგს კი შიშის ქარები გაუჩინა. განსაკუთრებით წოდანსწორება დაკარგეს რუს ემიგრანტულ წრეებში.

სხვადასხვა ქვეყნებში გავსეული რუსული ემიგრაცია დღეს ორ ერთიმეორის მოწინააღმდეგე ბანაკათ არის გაყოფილი; ერთ ბანაკს შეადგენენ ყველა ჯურისა და ნუანსების შემარჯვებე ჯგუფები, რომელნიც მზად არიან ყოველგვარი მსხვერპლი გაიღონ, განაპირა ქვეყნების დაკარგვასაც კი შეურიგდნენ დროებით, ოღონდ რუსეთი განთავისუფლდეს კომუნისტურ ხელისუფლების საშინელ ბატონობიდან; მეორე ბანაკში თავი მოიყარა ემიგრაციის შემარცხნე ნაწილმა, რომლის ხელმძღვანელი და წინამძღოლია ცნობილი ისტორიკოსი და პოლიტიკური მო-

ღვაწე პ. მილიუკოვი; უკანასკნელს ზურგს უმაგრებენ რუსი სოციალისტებიც.

ამ უამად ჩვენთვის—ქართველებისთვის—და აგრეთვე საბჭოთა კავშირში შემავალ ყველა არარუს ხალხებისთვის, განსაკუთრებით საყურადღებოა ის აქტიობა, რომელსაც მილიუკოვი და მისი დაჯგუფება იჩენენ. სულ ერთი თვის მანძილზე მილიუკოვმა საერთაშორისო მდგომარეობაზე და მასთან დაკავშირებით რუსულ საკითხზე ორი მოხსენება წაიკითხა ლონდონში, ერთი პარიზში; მისმა განეთმა რამდენიმე მოწინავე უძღვნა ამავე საკითხს; მას გამოეხმაურნენ რუსეთის ყოფილი რწმუნებული ლონდონში ე. საბლინი, ეკონომისტი მარკოვი, ვილაც მათევევი და მრავალი სხვა, ზოგი ემიგრანტულ პერიოდულ გამომცემებში და ზოგიც კერძოთ ამ საკითხისთვის მოწვეულ კრებებზე.

დღევანდელი საერთაშორისო მდგომარეობა მილიუკოვს იმდენად აინტერესებს და აწუხებს, რამდენადაც იგი წარმოადგენს საშიშროებას «მთლიან და განუყოფელ» რუსეთის იდეისთვის. გარდა იმისა, რომ მას შიშის ციებ-ციხლეებაში აგდებს რუსეთის შორეულ აღმოსავლეთის მოსალოდნელი დაკარგვა, მას აშინებს აგრეთვე ისიც, რომ ევროპის სახელმწიფოები რუსეთის ხარჯზე არ მორიგდნენ, ომის თავიდან ასაცილებლათ რუსეთი არ განწირონ. მან კარგად იცის, რომ გერმანიას დღესდღეობით არ ძალუძს ანგარიში გაუსწოროს საფრანგეთს და თავისი რევანშისტული სულისკვეთება დაიკმაყოფილოს, მაგრამ მისი გეგმები რუსეთის მიმართ დიდ საგონებელში აგდებს შორსმჭვრეტე პროფესორს. «თუ გერმანელები ვერ მიაღწევენ მიზანს დასავლეთთან მოლაპარაკებაში,—ლაპარაკობს თავის მოხსენებაში მილიუკოვი,—მათ შეუძლიათ ყურადღება მიაპყრონ აღმოსავლეთს, რომ დანაკლისი აინახაურონ თავის აღმოსავლეთის მეზობლებს—რუსეთის და ბალტი-



ის სახელმწიფოების—ხარჯზე». საამისო საბუთები მილიუკოვს არ აკლია: ფონ-პაპენის მოლაპარაკება ფრანგ პოლიტიკურ მოღვაწეებთან, როზენბერგის ცდები ამავე მიმართულებით ლონდონში და დასასრულ ჰუგენბერგის მიერ ეკონომიურ კონფერენციისათვის წარდგენილი მემორანდუმი საკმაოდ ამქლავნებენ გერმანელთა სულისკვეთებას. თუ ამას ზედ დაურთავთ რასისტულ მთავრობის ცდებს საბჭოთა ხელისუფლების წინააღმდეგ ბრძოლაში რუსულ ემიგრაციის მემარჯვენე ნაწილის ჩათრევის შესახებ და აგრეთვე იმ ყურადღებას, რომელსაც ის იჩენს უკრაინელ სეპარატისტების მიმართ, სამართლიანად შეიძლება დავასკვნათ, რომ მილიუკოვის შიში არ არის მოკლებული საფუძველს.

ეს ასეა მით უმეტეს, რომ მილიუკოვს არა აქვს იმედი, რომ რუსეთს ვინმე გამოუჩნდეს ქომაგათ: მას არ მიაჩნია შეუძლებლათ, რომ საფრანგეთი გადამტრელ მომენტში არ შეეცდებოდა ევროპას ომი ააცლინოს რუსეთის ხარჯზე; მას სულიერ სიმშვიდეს ურღვევს ის ფაქტი, რომ გერმანელებთან მოლაპარაკებას აწარმოებს პირადად «დაარწმუნებულნი რუსოფობი» და «რუსეთის მოძულე» პილსუდსკი; ყოველივე იმედს აცლის ხელიდან ინგლისელ ლორდის როტერმირის გეგმა «რუსეთის ხარჯზე ევროპის მოწყობისა და დაწყნარების» შესახებ და ისიც ისეთ გაზეთში («დეილი-მეილ»), რომელიც ყოველ დღეურათ 2.750.000 ცალათ ვრცელდება; ეჭვის თვალთ უტყერის საბლინის ცნობას, რომ ინგლისში შესაძლებელია «დიპლომატიური მუშაობით» რამე გაკეთდეს რუსეთის სასარგებლოთ. მილიუკოვი თვითონ იყო ლონდონში, მან პირველი თავისი მოხსენება წაიკითხა «საგარეო საქმეთა სამეფო ინსტიტუტში», რომლის წევრებათ არიან: ყოფილი და ნამდვილი მინისტრები, პარლამენტარიები, საგარეო საქმეთა სამინისტროს გამოჩენილი მოხელეები, პარლამენტის გარეშე დარჩენილი ლიდერები პოლიტიკური პარტიებისა, დიდ განუთებისა და ჟურნალისტების საგარეო განყოფილებათა რედაქტორები, მწერლები, მეცნიერები და სხ.». ეს ის ხალხია, რომელიც ინგლისის საგარეო პოლიტიკის მიმართულებას იძლევა, და მილიუკოვის ეჭვები ცხადყოფენ, რომ მან აქვერ პოვა, რასაც დაეძებდა: თანაგრძობა და დახმარების დაპირება.

მილიუკოვი ფრთხილი და შორმჭვრეტი პოლიტიკური მოღვაწეა, მისი შიში უსაფუძვლო პანიკიორობა არ არის. იგი კარგად გრძობს, რომ საბჭოთა ხელისუფლებას მისი ახლა «მეგობრები»—საფრანგეთი და შვედეთები უტაცებენ—სულ თუ არ გასწირავენ, საგრძნობ დახმარებას მინდა ვერ აღმოუჩინენ. საბჭოთა კავშირი რჩება განმარტოვებული, ორი მტრის შორის, — დასავლეთით გერმანია, აღმოსავლეთით იაპონია—, რომელთა შორის, როგორც ხმები დადის. შეთანხმებაც კი უნდა არსებობდეს რუსეთის შესახებ.

ჩვენ არ ვართ რუსის ხალხის მტრები; ჩვენში თანაგრძობას ვერ პოვებს მტაცებლური პოლიტიკა, ვის წინააღმდეგაც არ უნდა იყოს იგი მიმართული, მაგრამ შეუძლებელია, რომ მილიუკოვისა და მისი

მიმდევრების მიერ ამჟამათ წარმოებულმა კამპანიამ უსაზღვრო აღშფოთება არ გამოიწვიოს საბჭოთა კავშირში შემავალ არარუს ერებში. საბჭოთა ხელისუფლებამ მთელი კავშირი დალუპვის პირამდე მიიყვანა. სხვა მის ცოდვებს რომ თავი დავანებოთ, მარტო უკანასკნელი შიმშილის მსხვერპლს ზოგნი 5 6 მილიონს ითვლიან, ზოგნი ათსაც. უაღრესობამდე განაწამები ხალხები ციურ მანანასავით მოვლიან საბჭოთა ხელისუფლების დაცემას და აი, ამ დროს მილიუკოვი ყველას მიერ შეძლებულ ხელისუფლებას თავის მფარველობის ქვეშ აყენებს, «ეროვნულ ფუნქციების აღმსრულებელს» როლში გამოყავს და ამ აზრის განმარტებაში ცინიკურად აცხადებს, რომ საბჭოთა ხელისუფლებამ რუსული ტერიტორია გააერთიანაო. ეს «რუსული ტერიტორიის გაერთიანება» მილიუკოვის დიპლომატიური ენიდან რომ გასაგებ ენაზე გადმოვთარგმნოთ, მივიღებთ, რომ საბჭოთა ხელისუფლებამ დიდი რევოლუციის მიერ განთავისუფლებულ ზოგიერთ არარუს ერებს ხელახლავ შეადგა მონობის უღელი, მოაქცია ისინი თავის ველურ ექსპერიმენტების სფეროში და ყოველდღიურ მეთოდებით მეცადინეობით სპობს მათ ფიზიკურ არსებობას. აი ის დამსახურება, რომლისთვისაც მილიუკოვი ეროვნულ მთავრობის დიპლომს აძლევს 160 მილიონიანი მოსახლეობის ჯალათ ხელისუფლებას.

მილიუკოვისთვის მოსახლეობა, ხალხი არაფერია, რუსეთის «მთლიანობა» კი ყველაფერი. დე ყოველ წლიურად ათიოდე მილიონი სიცოცხლე შეიწიროს შიმშილმა, ინკვიზიციის სარდაფებმა, სოლოვკებმა და ჩეკისტთა ტყვიებმა, ოღონდ რუსეთს შერჩეს არარუს ერების ტერიტორია. ასეთის «კაცთმოყვარულის» გრძნობებით აღზნებული მილიუკოვი ემიგრაციას აფრთხილებს და ასწავლის: ერთი და იმავე დროს საბჭოთა ხელისუფლების ჩამოგდება და რუსეთის დაცვა შეუთავსებელია, «ბოლშევიკების ჩამოგდებას ემიგრაცია ცოტა რამეთი თუ დაენმარება, ხოლო რუსეთის დანაწილებას კი დიდად შეუწყობს ხელს».

მილიუკოვს აშინებს არა ომი თავისთავად, არამედ ის, რომ ომს შეიძლება მოყვეს საბჭოთა კავშირში მოქცეულ დაჩაგრულ ერების განთავისუფლება რუსეთის უღლიდან. ამ შიშს მას უძლიერებს არა მარტო სეპარატიულ მოძრაობათა გაძლიერება უკრაინაში, ბელოროსიაში, თურქესტანში და კავკასიის ხალხებში, არამედ აგრეთვე ის თანაგრძობა, რომლითაც ამ მოძრაობას ეყვრობიან ევროპის ზოგიერთი დიდი და პატარა სახელმწიფოები. ამის უტყუარ საბუთს იძლევა თვით საბლინის, რომელიც ულდამწვარი აცნობებს მილიუკოვს, რომ «გადასხვა საგარეო საქმეთა სამინისტროებში, საელჩოებისა და მისიების კანცელარებში უკვე გაჩნდნ უბედურების წინამორბედი «საქმეები» და «პაპკები», რომლებზედაც ლურჯი ფანქრით არის ამოხატული სიტყვები «რუსეთის დანაწილება», «რუსეთის ბალკანიზაცია» და სხ.»

ამ გარემოებათა ზეგავლენით მილიუკოვის მიერ წარმოებული კამპანია განსაკუთრებით და პირვე-

ლად ყოვლისა მიმართულია საბჭოთა კავშირში შე-
მაველ დაჩაგრულ ერების განმათავისუფლებელ მო-
ძრაობათა წინამძღვ. ამ მხრივ მოხუცი პროფესორი
ისე შორს მიდის, რომ მისი ალარმისტული გამო-
სვლები აშკარა დასმენისა და დაბეჭდების ხასიათს
ღებულობენ. მისი საჯარო მოხსენებები თუ საგაზე-
თო წერილები საბჭოთა ხელისუფლებას უთითებენ
დაჩაგრულ ერებზე: ფრთხილად იყავი, საბჭოთა ხე-
ლისუფლებავ! შენს წინაშე დგას არა მარტო საგა-
რეო საფრთხე, არამედ საშინაოც; არ დაივიწყო არა-
რუს ერთა სეპარატიული მიწრაფებანი. თუ დროზე
არ დაიკავებ შესაფერი თადარიგი, საქმარისი იქნება
შენი ფეხის წაფორხილება, რომ ეგ ერები გავექცეს
და შენი კავშირი დაიშალოს მის შემადგენელ ერო-
ვნულ ნაწილებათ. გახსოვდეს, რომ დაკარგვა ადვი-
ლია - უკან დაბრუნება კი ძნელი, - ასეთია ნათლად
გამოთქმული აზრი და შინაარსი მილიუკოვის გაფრ-
თხილებისა.

ამაირად წითელი და თეთრი რუსების ფრონტი
გაერთიანდა დაჩაგრულ ერთა წინამძღვ. მაგრამ მი-
ლიუკოვს ავიწყდება, რომ საბჭოთა კავშირისი მო-
სახლეობის ნახევარზე მეტი დაჩაგრული ხალხები
შეადგენენ; ეგ ხალხები უკვე გამოფხიზლებულია,
მათ შეგნებულ აქვთ თავიანთი ეროვნული მეობა.
დაჩაგრულმა ერებმა დღეს უკვე იციან, რომ მათი
ხსნა გაერთიანებულ და შეთანხმებულ მოქმედება-

შია, რომ საერთო მტრის წინამძღვ საერთო ღონის-
ძიება უნდა იქნეს მიღებული. ერთი დარაზმულობა
მეორე დარაზმულობას იწვევს - ასეთია საზოგადოე-
ბრივ მოვლენათა განვითარების გარდაუვალი ლო-
ლიკა.

მილიუკოვი აფრთხილებს საბჭოთა ხელისუფ-
ლებას, მაგრამ ეგ გაფრთხილება ესმის საბჭოთა კა-
ვშირში ძალით შედენილ ერებსაც. ისიც კარგად ეს-
მის თუ რას ავალეებს მათ არსებული მდგომარეობა:
სიფრთხილეს, სიფრთხილეს და კიდევ სიფრთხილეს!
არავითარი ავანტიურა, არც ერთი გაუფრთხი-
ლებელი. წინდაწინ გაუზომელი და მიზანშეუწონელი
ნაბიჯი! დაჩაგრულმა ერებმა საბჭოთა ხელისუფლე-
ბას არ უნდა მისცენ რაიმე ისეთი საბაბი, რომელ-
საც შეიძლება მოყვეს ისედაც განაწამებ ხალხების
სრული ფიზიკური მოსპობა. არა სეპარატიული გა-
მოსვლები და კუთხური აჯანყებები საგარეო გარ-
თულებებში ჩაბმულ თუ მის წინაშე მდგომ ხელისუფ-
ლების წინამძღვ, არამედ საერთო მასიური მოძრა-
ობის გამოწვევა და ადმინისტრაციულ აპარატების
მოშლა სათანადო მომენტში მთელი კავშირის მას-
შტაბით, აი ერთად ერთი თავები დაჩაგრულ ერთა
განთავისუფლებისა, და აგრეთვე თვით რუსის ხა-
ლხის განთავისუფლებისა, უმაგალითო ტირანის
კლანჭებიდან.

ბ. არმიკ.

გაჩღაშვალაი ფატალიზმის მოლოდინში

დიდ ომს, საკმაო ხანია რაც დაეშორდით, თუთ-
ხმეტიოდვე წელმა განვლო. მაგრამ დღეს უფრო, ვი-
ნემ ოდესმე, ვგრძნობთ, თუ როგორ ჩაჰკლა მან მშვი-
დობიანობა. ეკონომიურ ევოლიუციას ეკონომიური
რევოლიუციები მოჰყვა. ჯადოსნურათ აღვირი აინ-
სნა ინდუსტრიალურ ტექნიკამ, რომელიც ომამდე
ევოლიუციური გზით მიმდინარეობდა, და ეს აღვირ
ახსნილი მანქანა იძლევა არა იმდენს, რაც საჭიროა
კაცობრიობის მოთხოვნილებათა დასაკმაყოფილე-
ლათ, არამედ ათჯერ - ოცჯერ მეტს. ზოგ სახელმწი-
ფოებში ისე აქვთ წარმოდგენილი, რომ ეკონომიურ
სიდუხჭირეს ბოლოს მოუდენენ, თუ კი სტერლინგი
ან დოლარი ტექნიკასავით ათამაშდება და მათი ფა-
სი ისე დაეცემა, რომ ვსთქვათ ნიუიორკის ქუჩის მა-
თხოვარი ყოველ გამვლელს ხელს გაუწოდებს და
სთხოვს: ასი დოლარი მაჩუქეთ.

ომის დამთავრების პირველ წლებში ტექნიკის
ძლევა-მოხილობითი განვითარება საშიშროებათ
არავის მიაჩნდა. კიდევ მეტი: სამხედრო ტექნიკის
ერთი ნაწილის ინდუსტრიალურ ტექნიკაზე გადასვ-
ლა ან ინდუსტრიალურ ტექნიკისადმი შეფარდება
დიდ გამარჯვებათ იყო მიჩნეული. და მარლაც ომის
პროცესში, საომარ მასალების დამზადებასა, თუ
ომში ჩართულ ჯარის ჩაცმა-დახურვაში, მათთვის
სანოვავის დამზადებაში, სტრატეგიულ გზების გაყ-
ვანაში და ბევრ ასეთებში ინთქებოდა უდიდესი ნა-
წილი შექმნილ ღირებულებათა. მოქალაქე როგორც
ასეთი იყო ჩაუცმელ-დაუხურავი, დამშეული მოხა-

რმული ქართოფილის ან ცხენის ძვლის წვეწის მო-
ნატრე. ომი ანიაგებდა ქალაქებს, სოფლებს, გზებს,
ხიდებს, სადაც თვით ვერ წვდებოდა. ხუთი წლის
მანძილზე მოუგლელობის, შეუკეთებლობის გამო
ვინ უწყის რამდენი ღირებულება ათეულ წლობით
შექმნილი დაიღუპა, გაპარტახდა. ამ ომის მანძილზე
კულტურულ მოთხოვნილებათა დაკმაყოფილებაზე
ვინლა სჩიოდა. ომი დამთავრდა, დაიწყო აღმშენებ-
ლობის ხანა, ნანგრევებზე ახალი ღირებულებანი აღ-
მოცენდა, კაცობრიობა ნორმალურ ცხოვრებას უბ-
რუნდებდა.

ომში დემოკრატიაში გაიმარჯვა. მართალია ამ
დემოკრატიის გვერდით, რუსეთის თვითმპყრობე
ლობაც იყო გამოქრმული, მაგრამ დიდი ხნით დემო-
კრატის მხარი ვერ დაუშვენა, ომსაც ჩამოშორდა
და თვითმპყრობელობაც უკირმა წაიღო. გამარჯვებას
დიდი შედეგებიც მოჰყვა, სხვათა შორის ისიც, რომ
აღსდგა მთელი რიგი ნაციონალური სახელმწიფოე-
ბის, რომელნიც შეუდგნენ არა მარტო თავიანთ სა-
ხელმწიფოების მოწყობას, შეეცადენ ეროვნული ინ-
დუსტრიის კულტურულათ მათზე მაღლა მდგომ სა-
ხელმწიფოების დონეზე აყვანას. დიდძალ ქვეყნებში
დემოკრატიის სიძლიერე სხვა ერებსაც იძულებს აძ-
ლევდა თავიანთი სახელმწიფოებიც დემოკრატიუ-
ლათ მოეწყათ. სახელმწიფოების აყვავება, კეთილ-
დღეობა დემოკრატიის გაძლიერებას ხელს უწყობ-
და. ჩაისახა და იწყო განვითარება ისეთ დიდ საერ-
თაშორისო დემოკრატიულ ორგანიზაციამ, როგორც



ნაციონალიზმს. უნდა იქნას დამოუკიდებელი და ჩაგრული აქ იყოს თავს. ყველა აქედან მოვლის შველას. ორმოცდაათი სახელმწიფოზე მეტი მის ირგვლივ გროვდება. ეს უდიდესი ტაძარია კაცობრიობის, ხოლო იმ განსხვავებით, რომ ტაძარმა სული უნდა იხსნას, აქ კი ხორციელი საკითხებია გადასაწყვეტი. მაგრამ როგორც იტყვიან, აღმართს დაღმართი მოსდევს. კეთილდღეობას შავი ღვინო. როგორც ვსთქვით, წარმოება ჯადოსნურად ათამაშდა, მოთხოვნილებას გადააქარბა. ყოველი სახელმწიფო აივსო ზედმეტ შექმნილ ნაწარმებით და ამ ნაწარმებს გასაქანი არ ეძლევა. ორი უდიდესი ბაზარი რუსეთი და ჩინეთი მოწინავე კაცობრიობის საქონლისთვის დაკეტილი შეიქნა ამ სახელმწიფოების გაღატაკების და საშუალო საუკუნეების მსგავსი არეულობის გამო. ერთ ხერხსაც მიმართეს—დაგროვილ საქონლის დაწვას ან ვაჭრებით ზღვაში გადაყრას. ასეთი ექსპერიმენტებს ორ-სამჯერ რომ გააკეთებ, ალბათ კარგი საყურებელია, მაგრამ ასეთი რამის სისტემით გადაქცევა ზომ აბსურდია და ალბათ მის გამომგონებელსაც ამაღს თავი დაანებებს.

ომის შემდეგ პირველ წლებში მუშა ხელს ბლომით ნთქავდა წარმოება. მას შემდეგ, რაც საერთაშორისო ბაზრები საქონლით გაივსო, უმუშევართა არმიამ განსაცვიფრებელი სისწრაფით იწყეს ზრდა და ეს არმია სახელმწიფოებს აეკიდა, მათი სახრუნავი შეიქნა. მიუხედავად ახალ რომის არსებობისა, სადაც ყველა საკითხები მშვიდობიანი გზით უნდა გადაიჭრას, მომავალი ომის შიში მაინც არ ჩამქრალა. ერთი ძველი თქმულებაა: ომი თუ გინდა აიცილო, ძლიერი ჯარი უნდა გყავდესო. ამ დამტყვრიანებულ დებულებამ ერთ დროს ომი გვარგუნა, მაგრამ როგორც იტყვიან, ჩვეულება რჯულზე უმტკიცესია. და დღეს ეს ჩვეულებაც უნაკლებად სადღეს, დიდი თუ პატარა ერთი ყველა იარაღში იწყობა. მაგრამ დიდი ჯარების შენახვა, უზარმაზარ უმუშევართა არმიანე ზრუნვა თუ სხვა სახელმწიფო მოთხოვნილებათა დაკმაყოფილება აუტანელ ხარჯებს იწვევს. გასავალი იზრდება, შემოსავლის წყაროების გამონახვა ძნელდება. იშლება კრიზისი მთელი თავისი სიგძე-სიგანით. კრიზისს ან ბოლო უნდა მოუღო ან შეანელო. სანამ კატასტროფიული მდგომარეობა არ დადგება. ვფიქრობ შესაძლო იყო, თუ არა ბოლოს მოღება, მისი შენელება მაინც. საჭირო იყო გაბედული რეფორმები შინაურ პოლიტიკაში, შეთანხმებები საგარეოში. მაგრამ გაბედული ნაბიჯების მაგიერ გაუგონარ აბნეულობას ვხედავთ, ერთ ადგილზე მიწის ტკეპნას. აქედან ფართოდ წარმოიშვა მასების უნდობლობა დემოკრატიის მიმართ, უკმაყოფილების გადრმავება-გაფართოვება. კრიზისის, უმწეო მდგომარეობის სათავე—დემოკრატიაა. ეს სათავე უნდა ჩაყლა, კრიზისის მოსპობა—ი ახალი ლოზუნგი. აქედან საფუძველი ეყრება ახალ მოძრაობას. რაც უფრო ირღვევა ცხოვრება, მით უფრო იბნევა მასა, შველას თუ სათავეში მდგომთა მხრივ ვერ ვხედავს, ყველას ეპოტინება, ვინც შველას დაჰპირდება.

როგორც ომის შემდეგ პირველ წლებში დემო-

კრატია იმარჯვებდა, ისე უკანასკნელ წლებში დიქტატურა უმავალითა საერთაშორისო ფაქტორათ ველინება კაცობრიობას: განსაზღვრული პროგრამით, განსაზღვრული გზით. საგარეო პოლიტიკაში დიქტატორთა პროგრამის შინაარსი თითქმის განსნილია, მან უკვე ჯერ ფრთხილად, მაგრამ ერთგვარი გზის აღება იწყეს. დიქტატურა უარყოფს ყოველივე იმას, რაც დემოკრატიული გზით კეთდება საგარეო პოლიტიკაში. მთავარ მტრად ნაციონალიზმი აღიარებული. ერთა ლიგის მიერ აშენებული ყენევის საკაცობრიო ტაძარი ირღვევა. შენობა დარჩება, მაგრამ არა როგორც მშვიდობიანობის ტაძარი, არამედ როგორც მეგობლუში, სადაც ერთა ლიგა იქნება დამარხული.

არც ისაა შემთხვევითი მოვლენა, რომ საერთაშორისო პოლიტიკაში ინიციატივის სადავე დემოკრატიულ საფრანგეთ-ინგლისს უსხლტება ხელიდან და რომი-ბერლინი-მოსკოვის ხელში გადადის...

დაგროვილი წინააღმდეგობანი თითქმის ფაქტურად ახალ კატასტროფისაკენ მიაქანებს კაცობრიობას. კაიომ ოდესღაც სთქვა, რომ დიდი ომი საპასუხისმგებლო მოღვაწეებს კი არ გამოუწვევიათ, არამედ მომხდარი ფაქტი იქნა მრღებელი. რომელია ის სახელმწიფო მოღვაწე, რომელიც ომის წინ არ თრთოდეს, მის აუარებელ მსხვერპლზე, ან ომის შედეგებზე არ ფიქრობდეს, მაგრამ იმდენი ასაფეთქებელი მასალა დამზადდა, რომ შესაძლოა ადამიანთა სურვილები უძლური შეიქნეს და მათი აფეთქება ვერ შეაჩეროს.

ამ დიდი ამბების მოლოდინში ქართველებს უწინარეს ყოვლისა გვმართებს, ჩვენ შორის არსებული უთანხმოებანი შევანელოთ ან თუ შესაძლოა მივივივიწყეთ, რომ მომავალს ერთსულადავან შევხვდეთ.

ი. სალაყაია.

წიგნილი ამერიკიდან

ობლის კვერი ცხვა. ცხვა, გვიან გამოცხვა, მაგრამ კარგად გამოცხვაო. ეს სწორედ ნიუორკში მყოფ ქართველებზე ითქმის, განსაკუთრებით, მათ მანდილოსნებზე. რა საკვირველია, როგორც ამერიკელები იტყვიან, გაუმჯობესებისთვის კიდევ არის ალფი, მაგრამ რაც ანლა ქართველ მანდილოსნებმა გააყეთეს, ღირს აღსანიშნავია.

ორი წლის წინედ ბ. პავლე კვარაცხელიას თემჯდომარეობით აქ დაარსდა ქართველთა ასოციაცია, რომლის გარშემო შემოკრებილი იქნა ყველა ნიუორკში და მის მახლობლად მყოფი ქართველები, რიცხვით 45-მდე. ამ საზოგადოების გამგებამ გამოანახა სხვადასხვა ამერიკის კუთხეებში დაფანტული 15 ქართველი და გამართა მათთან მიწერ მოწერა. საზოგადოებამ თავის დროზე შინაურულად იდღესასწაულა ნინობა და დამოუკიდებლობის დღე და სხ. პირველი საჯარო გამოსვლა იყო 23 დეკემბერს. ეს იკისრეს ქ. თამარ ჯორჯიკია-კვარაცხელიას ინიციატივით ქართველთა მანდილოსნებმა. მათი რიც-

ხვი არ აღემატება 12-ს, მაგრამ საკვირველი იყო მათი ერთსულოვნება და მხნეობა, მიუხედავად სხვა და სხვა შემადგენლობისა (გარდა 5 ქართველ ქალისა მათ შორის არიან ამერიკელი, ფრანგი, გერმანელი, ესტონელი, აისორი და რუსი). ჩვენმა ქალებმა განიზრახეს როგორმე მატერიალურად დახმარებოდნენ პარიზში მყოფ ქართველ მანდილოსნების საზოგადოებას ქ-ნ ელენე აბხაზის თავმჯდომარეობით მათი კეთილშობილურ და დაუღალავ მუშაობაში ქართველთა ბავშვების სასარგებლოდ.

თავის ენერგიით და თავის მეგობრების დახმარებით ჩვენმა ქალებმა გამართეს ნიუორკის ერთ-ერთ საუკეთესო დარბაზში მშვენიერი საღამო. მთელი პროგრამა შესრულებული იყო ბავშვების მიერ, ლაზუნგით «ბავშვები-ბავშვისათვის». რადგან ქართველი ბავში აქ მარტო ექვსია, საღამოში მონაწილეობა მიიღეს ამერიკელ, უკრაინელ, პოლონელ და რუს ბავშვებმაც. წარმოდგენილი იყო ორ მოქმედებისანი საშობაო პიესა ინგლისურ ენაზე: «გზა-დაბნეული ბავშვები ტყეში». ოპერის მსგავსი პიესა იყო ლამაზად დადგმული კარგად მორთულ ზამთრის სცენაზე. მეტი ნაწილი პიესისა იყო სიმღერა-ცეკვა. უმთავრეს როლებს თამაშობდნენ ნინო და ელისაბედ კვარაცხელიები (10 და 8 წლისა). პიესას მოჰყვა კარგად შედგენილი საკონცერტო განყოფილება: პიანინო, სიმღერები და ცეკვები. პიანინოზე მშვენივრად დაუკრეს პოლონელ გოგომ დვორჟიციკიმ და უკრაინელ ვაჟმა ბოიჩენკომ. გრძობიერად იმღერეს ამერიკელი დებმა ვეიკებმა, მშვენივრად იცეკვა ბალეტი გედა პეტრიშ. ქართველ ბავშვებიდან მონაწილეობას ღებულობდნენ: ნინო, რომელმაც კარგად შეასრულა რუმინული ცეკვა და ელისაბედი, რომელმაც ლამაზათ ითამაშა ბალეტი და ირლანდიური ცეკვა.

მაგრამ ყველა ქართველები გაფაციცებით მოელოდნენ პროგრამაში აღნიშნულ ლეკურს. და აი სცენაზე გამოხტა თეთრ ჩოხაში, თეთრ ქუდში, წყლად-მესტებში და შავ ქამარ-ხანჯალში ლამაზად მორთული ვაჟის მსგავსი ნინო. მას მოჰყვა, მის მიერ ქართულ ჩვეულებით თავის დაკვრით. სცენის გვერდიდან გამოწვეული ქართულ ლეჩაქში და ცისფერ კაბაში, გძელი თმისანი, კოხტათ მორთული პატარა ელისაბედი. მთელი დარბაზი აღტაცებით შეხვდა ქ-ბ ქიქოძე უკრავდა პიანოზე ლეკურს. მასთან მოუთმინელ ქართველებმა ადგილიდან ხელით ტაში ტაში დაუკრეს და მერე მთელი დარბაზი უცხოელებისა ც ტაშს უკრავდა და ლამაზად მოთამაშე ბავშვებს ვაშას უძახდა. ქართველების სიამოვნებას საზღვარი არ ქონდა. წლების განმავლობაში სამშობლოს მოწყვეტილებმა ქართულად ჩაცმული ლეკურის მოთამაშე ბავშვები პირველათ ნახეს ამერიკის სცენაზე. ბავშვებმაც გადააჯარბეს მოლოდინს, ევროპიულ ცეკვის სკოლის მოწაფეებმა ლეკურიც ჩინებურად ითამაშეს. არა ნაკლებ ქართველებისა მოეწონათ ამერიკელებს როგორც ცეკვა ისე ტანისამოსიც.

შესრულდა კიდევ რამდენიმე ნომერი მდიდარი პროგრამისა და ბოლოს ფარდა უკანასკნელად აიწია და საზოგადოება ისევ დიდი ტაშით შეხვდა ცოც-

ხალ სურათს: ქართველი დედა ბავშვებთან. ლამაზი ქ-ბ ოლა სხირტლაძე-ქებარდინისა თეთრი, წმ. ნინოს სამოსელის მსგავს ქიტონში იდგა და ხელებით ჰფარავდა მის მარჯვნივ და მარცხნივ მდგომ და მას თვალებში შემყურე ქართულად გამოწყობილთ ნინოს და ელისაბედს...

12 წლისა იყო, რომ უკანასკნელად ფარდა დაეშვა, მაგრამ მეტად ნასიამოვნო ხალხი არ იშლებოდა. გაიმართა ლატარია და ვახშაში საღამოს ფონდის სასარგებლოდ. ლატარიაში მოგებული უმთავრესი ნივთები ბ. ვასილ დუმბაძემ საღამოს ინიციატორს და გამგეს ქ-ბ თამარ კვარაცხელიას მიართვა.

წმინდა შემოსავალი, დიდი ხარჯის გასწორების მერე, დარჩა ასი დოლარი (100 დ.), რომელიც უკლებლად ქ-ბ ელენე აფხაზისას ეგზავნება.

ნაური.

უკრაინელთა ცხოვრებიდან

(წერილი პრადიდან)

გასული წლის შემოდგომაზე აქ შესდგა კომიტეტი დამშუული უკრაინის დასახმარებლათ. კომიტეტში შედიან წარმომადგენელი უკრაინის ემიგრაციის ყველა დემოკრატიული და სოციალისტური ჯგუფების და პარტიების, რომლებიც უკანასკნელ ხანამდის ძალიან დაქსაქსულნი იყვნენ და რომლებიც ძალიან სწრაფათ გააერთიანა და ერთ ფრონტში ჩააყენა სამშობლოდან მოსულმა სასოწარკვეთილების ხასიათის ამბებმა შიმშილობის შესახებ. კომიტეტმა დაუგზავნა მიმართვა როგორც ევროპაში, ისე ამერიკაში მცხოვრებ თანამემამულეებს, რომ დაეხმარონ ვისაც რით შეუძლია დედა სამშობლოს, რომელიც მოსკოვის ოკუპაციამ ასეთ განსაცდელში ჩააგდო ეს ერთ დროს «ქვეყნის ბედილი». კომიტეტი სისტემატიურათ აქვეყნებს საინფორმაციო ბიულეტენებს, სადაც ფაქტებით და დოკუმენტალურათ სახელისა და გვარის დასახელებით ჩამოთვლილია სიმშობის მსხვერპლნი. იქვე ეცნობით ფოტოგრაფიულ სურათებზე მთელ რიგ გულშემწარავ მოვლენებს; ეს სურათები გამოტანილია უცხო ყურნალის-ტეტების მიერ ევროპაში. პრალაში გამოდის ჩეხურ ენაზე ყურნალი «შიმშილი უკრაინაში», რომლის დანიშნულებათა თავი მოუყაროს ყველა ცნობებს გამოქვეყნებულს თუ გამოსაქვეყნებელს, რომ ააჯანყოს კაცობრიობის სინდისი უკრაინაში ამ ქამათ დატრიანლებული ტრადიციის გამო. ამ ყურნალის 1-2 ნომრებში მოთავსებულია ვრცელი ღია წერილი ეროსადმი, რომელიც ეკუთვნის ხსენებული კომიტეტის თავმჯდომარის, უკრაინელი პუბლიცისტის პროფესორ ბაჩკოვსკის კალამს. ეს წერილი უკვე გადაბეჭდილი იყო ზოგიერთ გაზეთებში; ჩვენ აქ მოგვყავს მხოლოდ შემდეგი პატარა ადგილი:

«უკრაინის სატახტო ქალაქ ხარკოვში, თქვენ პატივცემულ ბატონო, გავნებთ სიტყვით მოგესალმათ აღფრთოვანებული ხალხის მასა, მიუხედავათ იმისა, რომ იყო კაცისპირული წვიმა. მე არ ვიცი, ვინ მოგესალმათ თქვენ, მოწყალეო ხელმწიფე, კიე-



ვში და ხარკოვში. ვიცი მხოლოდ, რომ ეს არ იყო «vox populi» ბოლშევიკური ოკუპანტების მიერ დამონებული და გაპარცული უკრაინისა. თუ თქვენ გასურდათ გაგეგოთ უკრაინელი ხალხის ნამდვილი ხმა, თქვენ უნდა დაგეთვალთვლიათ ამოწვევითი სოფლები, სოლოვკის კუნძულები, გადასახლების ადგილები საბჭოთა კავშირში, თქვენ უნდა მისულიყავით ციხეებში და გენახათ საწამებელი ადგილები კაციკამია ბოლშევიკი ჩეკისტების, რადგან მხოლოდ იქ ისმის ნამდვილი ხმა უკრაინის ერის, რომელსაც სტანჯავენ და აწამებენ წითელი ჯალათები. თქვენ უნდა დაგეთვალთვლიათ ყველა სასაფლაოები და გათხრილები, სადაც ჩადებულია ათასობით უკრაინელი ინტელიგენტი, გლეხი და მუშა. წარმოიდგინეთ, ბატონო, რომ ყველა ეს ცოცხლები და მკვდრები—მსხვერპლნი ბოლშევიკური ტერორის, რომლების ერთათ ერთი დანაშაული იყო სიყვარული და ერთგულება თვის სამშობლოსადმი, წარმოიდგინეთ, რომ ყველა ესენი ერთათ დაგროვდნენ და წამოიშალნენ თქვენს შესახვედრათ. არ ვიცი, კიევის და ხარკოვის ქუჩები დაიტევდნენ თუ არა ამ სამგლოვიარო პროცესიას. მოსმენა და გაგება მათი ტანჯვა წამების განცვიფრებაში მოიყვანდა თვით დანტესაც. არ ვიცი, გექნებოდათ თუ არა ამის შემდეგ გაბედულება ასეთი აღფრთოვანებით გელაპარაკათ ბოლშევიკური შესაძლებლობის და პროგრესის შესახებ?» წერილის ავტორი თანდათანობით აბათილებს ერიოს აღფრთოვანებას და ათავეებს: «არ შემიძლია წარმოიდგინო, რომ თქვენ, მეგობარს და მოციქულს ახალი ევროპისა, გასურდეთ, თუ გინდ შემთხვევით, დარჩეთ მოსკოვის მოკავშირე უკრაინის ამ სისხლიან დარბევის დროს...»

უნდა აღვნიშნოთ, რომ ამ უკანასკნელ ხანს ხდებოდა მეტათ სასიამოვნო კონცენტრაცია უკრაინის ემიგრაციის ყველა სასიცოცხლო ძალების, რაც ჩვენთან კერძო საუბარში დავიმოწმა უკრაინის ერთ ერთმა თვალსაჩინო მოღვაწემ. პრალა კი თავიდანვე იყო და არის უკრაინის ემიგრაციის უპირველესი ეროვნული და კულტურული კერა, აქ მათ მიეცათ საშუალება, პრეზიდენტ მასარიკის აშკარა მხარის დაჭერის წყალობით, დაეარსებიათ მთელი რიგი უმაღლესი და საშუალო სასწავლებლების და შეექმნათ სამეცნიერო სემინარიები, მომზადდა დიდი კადრი ახალგაზრდობის და საშუალება მიეცა ბევრს დაწინაურებულიყო სამეცნიერო დარგში.

არსებობს მეგობრული კავშირი ქართველ ემიგრაციასთან და საზოგადოთ ქართველებს სათანადო ყურადღებით და პატივისცემით ეპყრობიან.

გლ.

უკრაინელთა შორის

აგერ ოთხი წელია, რაც უკრაინის სამღვდლოელოების რწმუნებული პირი მ. ბაჩინსკი, აქვეყნებს ენევაში ბიულეტენს «ეკლესიის» სახელით უკრაინულ და ფრანგულ ენაზე. ის იძლევა ხშირათ ფრიალსაყურადღებო ცნობებს მართლ მადიდებელ ეკლესი-

ის მდგომარეობაზე. თავის 94 ნომერში, აღნიშნავს რა სიამოვნებით მღვდელ მ. გრ. ფერაძის ვარშავის უნივერსიტეტის მიერ თეოლოგიურ ფაკულტეტის კათედრის დაჭერას, მსურვალეთ ესალმება ამ ამბავს და უსურვებს მ. ფერაძეს წარმატებას.

ალსანიშნავია აგრეთვე ამ ბიულეტენში გამოქვეყნებული ამერიკაში უკრაინელთა ეპისკოპოსის ჯონ თეოდოროვიჩის აღზნებული მოწოდება უკრაინაში შიმშილობის და დევნა-ქლევტის შესახებ, სადაც ბევრი საყურადღებო ფაქტია მოყვანილი.

— უკრაინის მთავრობამ გადაწყვიტა კიევიში დაბინავდეს, რომელიც გამოცხადდება სატახტო ქალაქად ნაცვლად ხარკოვისა, რომ ამით განთავისუფლდეს უკრაინელ ნაციონალისტების გავლენისაგან.

— ვარშავის უნივერსიტეტში არსდება უკრაინის ენის, ისტორიის და კულტურის კათედრა.

— უკრაინის კომუნისტური პარტიის მთავარმა მდივანმა კატაევიჩმა გამოაქვეყნა დოკუმენტები, რომლებიც ეხებიან გერმანიის განზრახვებს უკრაინის მიმართ. გერმანიის მინისტრს გერინგს მოლაპარაკება ჰქონდა გერმანოფილ უკრაინელების ხელმძღვანელთან კონოვალეცთან და ეს მოლაპარაკება დამთავრდა წინასწარი შეთანხმებით: გერმანია დაეხმარება უკრაინას დამოუკიდებლობის აღსადგენად, ხოლო სამავიეროთ მას უნდა მიეცეს ერთგვარი კანტროლი უკრაინის ჯარსა და საგარეო პოლიტიკაზე; ამასთანავე უნდა მოხდეს შეთანხმება უკრაინის მრეწველობასა და გერმანიის სამეტალურგო ინდუსტრიას შორის.

— კომუნისტები დიდს ყურადღებას აქცევენ იმას, რომ ეროვნული მოძრაობა გარდა უკრაინისა ფართოდ ვრცელდება ბელორუსიაშიც და იქაური ნაციონალისტები მოითხოვენ რუსეთისაგან სრულს ჩამოშორებას.

თუ რაქმთის ცხოდება

როგორც ჩვენმა მკითხველებმა უკვე უწყიან, თურქეთის მთავრობა შეუდგა ხუთწლიანი გეგმის განხორციელებას რესპუბლიკის ინდუსტრიალიზაციისთვის. სახელმწიფო ეკონომიის მინისტრმა ჯვალა ბეიმ სტამბოლის ურნალისტებს ასე განუმარტა ამ გეგმის შინაარსი და მნიშვნელობა: «ორმა გარემოებამ გვაიძულა შევდგომოდით ინდუსტრიალიზაციას. ერთია ის, რომ აუცილებელია საკუთარი საშუალებებით დავიკმაყოფილოთ ჩვენი მოთხოვნილებანი როგორც მშვიდობიანობის ისე ომის დროს; მეორე ის, რომ უნდა მოვუპოვოთ ბაზარი ჩვენებურს საქონელს, რომლის ექსპორტი ძალიან შემცირებულია მას შემდეგ, რაც ყველა ქვეყანა ცთილობს საკუთარ აგრიკულტურის განვითარებას. ჩვენს საინდუსტრიო პროგრამაში მთავარი ადგილი უკავია მანუფაქტურულ ნაწარმოებთა დამზადებას, რაიც ამავე დროს გაასწორებს ჩვენს სავაჭრო ბალანსს. ეს შეეხება იმ 25-30 მილ. დეფიციტს, რომელიც გვაქვს ჩვეულებრივად საგარეო ვაჭრობაში. ჩვენ შევუდგებით დაუყონებლივ დიდი საქსოვის მოწყობას კაისიერში, რო-



მეორე დანიშნულებს მოქმედებას მომავალი წლის დამდევს. მეორე საქსოვი გაიხსნება ამავე წელს ნაზიღში. მესამე მალატიანში სამი წლის შემდეგ. სტამბოლში უკვე არსებული ქარხანა იქნება გაფართოებული. ამავე დროს ადგილი დაეთმობა კერძო ინიციატივასაც ქსოვილების დასამზადებლად ადგილობრივი საქირობისათვის. საქსოვებში დღეს მუშა ხელი აღწევს 127 ათასამდე. ეს რიცხვი გაიზარდება სამჯერ თუ მეტად; როცა გაიხსნება ახალი ქარხნები. ასე განვითარებულ საქსოვ-მრეწველობისთვის საკმაო არ იქნება ის ბამბა; რომელიც დღეს შრდის ჩვენში, ამიტომ საქსოვს გახდება ბამბის ნათესების გადიდება, რაც წელს შეუწყობს სასოფლო მეურნეობის განვითარებას.

თუმცა თურქეთი კანაფის ქვეყანაა, ჩვენ ყოველგვარი საბელი, ტომრები და სხვა ასეთი საქონელი თითქმის სულ უცხოეთიდან შემოგვავსებს. ამის თავიდან ასაცილებლად კანაფის დასამუშავებელი ქარხნები გაიმართება იზმირში, ქუჩუქმენდერესში და კასტამუნში.

მაგრამ ვიდრე ჩვენ არ შევქმნით რკინულობის ინდუსტრიას, შეუძლებელია ფიქრი მრეწველობის სხვა დარგებზე. რკინა უპირველესი საქირობაა ერის არსებობისათვის. ხოლო უწინარეს უნდა გვექნეს კოკსი, რომელმაც უნდა კვებოს მალა ლუმელიანი ბრძმედები. გამოკვლევამ დაგვიბოლოცა, რომ ჩვენი ქვანახშირისაგან შეგვიძლია მივიღოთ ასეთი კოკსი. ბრძმედებს ავაგებთ კასტამუნსა და ზონგულდაკში. ამასთანავე ერთად ჩვენ უნდა განვავითაროთ ქვანახშირის წარმოება და მივაჩვიოთ ჩვენი ხალხი შეშის მაგიერ იხმაროს ქვანახშირი.

ჩვენ ყოველ წელიწადს სამასი ათასი თურქული ლირის გოგირდს ვყიდულობთ იტალიაში, მაშინ როდესაც შეგვიძლია ვიქონიოთ საკუთარი გოგირდი. ამისთვის შევუდგებთ სპარტის და კუტაიას სამადნეების დამუშავებას.

ასევე დავაკმაყოფილებთ კარტონის და ქალაღდის მოთხოვნილებას. მომავალ წელს ამუშავდება იზმირში ქაღალდის დიდი ქარხანა, რომელიც სანახევროდ დააკმაყოფილებს ჩვენს საქირობას.

შევუდგებით აგრეთვე ხელოვნური აბრეშუმის, შუშეულობის და თინულის და ქიმიური მრეწველობის მოწყობას და მთელი ანატოლიის ელექტროფიკაციას. მთავრობას განზრახული აქვს, რომ მთელი ამ საქმისთვის მართხროვოს ამ წლის დამდევს საქირო კრედიტი, 42 მილ. თურქ. ლირა».

— თურქ სტუდენტთა ეროვნულმა კავშირმა სტამბოლში დიდი მანიფესტაცია მოაწყო ადგილობრივ ნაწარმოებთა სასარგებლოდ. მიტინგზე მოლაპარაკენი ამბობდნენ, რომ თურქეთი ეკონომიურად უნდა განათავსდეს უცხოეთისაგან, უნდა შექმნათ ჩვენი საკუთარი მრეწველობა და მოვიხმაროთ მხოლოდ ჩვენში გაკეთებული საქონელი. სტუდენტებმა დროებით და ეროვნული ჰიმნის სიმღერით გაიარეს ქუჩებში და ყველას უქადაგებდნენ იყიდეთ ამიერიდან მხოლოდ ადგილობრივი ნაწარმოები. ერთ სინემასთან რომ გაიარეს, რომელსაც სახელად

«არტისტიკი» ერქვა, მოთხოვეს მის პატრონს სახელის შეცვლა თურქულზე.

— სტამბოლის ებრაელები განაგრძობენ დიდს პროპაგანდას თურქული ენის და კულტურის სასარგებლოდ. მართავენ სხვადასხვა ადგილებში მიტინგებს, კრებებს; საუბრებს და მოუწოდებენ თანამორწმუნეთ, რომ ჩვენი დედა ენა უნდა ვახდეს თურქული, ებრაელ ბავშვის პირველი სიტყვები უნდა იყოს თურქული «ბაბა» (მამა) და «ანე» (დედა), რომ ყველაზე მეტად უნდა შევიყვაროთ ჩვენი სამშობლო თურქეთი. ებრაელი ორატორები მოუწოდებენ მსმენელთ სულით და გულით შევიყვაროთ თურქეთი და თურქები და ერთმა მოაგონა საზოგადოებას თურქთა დახასიათება ზია გექალბ ბეის მიერ: «ყველა დიდ ერს თავისი ადგილი აქვს ცივილიზაციაში. ძველ ბერძნებს ეკუთვნის ეს თეტიკა, რომაელებს უფლება, ებრაელებს და არაბებს სარწმუნოება, ფრანგებს მწერლობა, ანგლო-საქსონებს ეკონომია, გერმანელებს მუსიკა და მეტაფიზიკა, ხოლო თურქებს მორალი (ხეობა)».

— სტამბოლის უნივერსიტეტში ამ ქამად ირიცნება 3.514 სტუდენტი, ამათში 1.147 მეცნიერებათა ფაკულტეტზეა, 1.133—უფლების, 887—მწერლობის და 374—საექიმო ფაკულტეტზე.

— თურქეთის საზოგადოება დიდი თანაგრძნობით შეხვდა აღმოსავლეთ (ჩინეთის ნაწილი იყო) თურქესტანის დამოუკიდებლობის გამოცხადებას. «თურანის» საზოგადოების თავმჯდომარემ სახალხო სახლში ლექცია წაიკითხა ახალი სახელმწიფოს ისტორიისა და გეოგრაფიის შესახებ, რომელსაც მრავალი ხალხი დაესწრო.

— მთავრობამ გადასწყვიტა ბაყი დაადგას გამოცხვარ პუტს. ფიქრობენ, რომ მართლ სტამბოლში ეს ბაყი შემოუტანს ხაზინას წელიწადში მილიონ ნახევარზე მეტს თურქულ ლირას.

— გაზეთ «ახშამის» სიტყვით, ამ ხანად ბულგარეთში იმყოფება სულთან აბდულ ჰამიდის შვილი აბდულ კადირი, რომელსაც ურთიერთობა აქვს თურქ ოპონიციონურ წრებთან.

— ამას წინად ცენტრ. აღმასრულ. კომიტეტში წარმოქმულ ლიტვინოვის სიტყვის გამო თურქეთის განხეთქილი კიდევ ერთხელ ალტაცებით აღნიშნავენ საბჭოთა და თურქეთის მეგობრობას. გაზეთი «ახშამი» სწერს: «თუ თვალს გადაავლებთ გასულ წელს, დაინახავთ, რომ მაშინ როდესაც მთელი ქვეყანა შფოთავს და ლელავს, საბჭოებმა და თურქეთმა უდიდესი სამსახური გაუწიეს მშვიდობიანობის საქმეს. ამას ცხადად ლაღადებს ის ფაქტი, რომ ჩვენმა მეგობრებმა საუკეთესო ურთიერთობა დაამყარეს საფრანგეთსა და ამერიკასთან, რომ თურქეთი და საბერძნეთი მშვიდობიანობას ამყარებენ ბალკანეთში, რომ რუსეთ-თურქეთის თანამშრომლობის წყალობით გარკვეულ იქნა მცნება თავდამხმელი. სახალხო კომისარმა ლიტვინოვმა კვლავ ხაზი გაუსვა, თუ რა ღირებულება აქვს რუსეთ-თურქეთის მეგობრობას მაშინ, როცა მთელი ქვეყანა რყევოშია. ჩვენი მეგობრები დარწმუნებულნი უნდა იყვნენ, რომ ესეთი სიტყვები ღრმად წვდებიან ჩვენს გულს».

— გაზეთი «კუმურიეთის» სიტყვით, თურქეთ-რუსეთის მეგობრობა სანიმუშო უნდა იყოს მთელი კაცობრიობისთვის. ჩვენ ვიცით, განაგრძობს გაზეთი: ჩვენი მეგობელი ს. ს. რ. კ. დიდი ქვეყანა და დიდი ერი. ეს წამ მთელმა ქვეყნიერებამ აღიარა. ჩვენ ვიცით, რომ ამხანაგ ლიტერატორის სიტყვები «თურქეთის დიდი რესპუბლიკა» არის ნიშანი პატივისცემისა ჩვენი მეგობრობის სიმტკიცისა და გულითადადობის მიმართ».

კვლავ მღვაწეობით ხელის მოძწერლებს

და აგენტებს,

რამ გაასწორენ ანგარიშს და წარმოადგინენ

მათზე დარჩენილი ფული.

თ უ რ ქ ე ს ტ ა ნ ი

ტურქესტანის ეროვნულ მოძრაობის ორგანო «იამ თურქესტან»-ი ეხება ოსმალეთის რესპუბლიკის ათი წლის თავს და აგვიწერს, თუ როგორ შეხვდა ამ მოძმე ერის თავისუფლების დღესასწაულს თურქესტანის საბჭოთა პრესა.

«არც ერთ თურქესტანელ გაზეთს—სწერს «იამ თურქესტან»-ი—არ აღუნიშნავს ოსმალეთის დამოუკიდებლობის დღე; არც ერთ გაზეთს არ მიუძღვნიან ამ ეროვნულ დღისათვის არც ერთი პწკარი თავისი საკუთარი განცდების, თუ, რასაკვირველია, სახეში არ მივიღებთ მოსკოვის «იზვესტიიდან» და «ტასის» სააგენტოსაგან გადმობეჭდილ, ტელეგრაფით გადმოცემულ მოკლე ცნობებს. ხოლო «ტასის» სააგენტოს ცნობა კი ისეა მოყვანილი, რომ გვეჩვენებთ ოსმალეთის ეროვნული დღეობა თითქოს მოწყობილი იყო არა ეროვნულ ზემისათვის, არამედ საბჭოთა მაღალ სტუმრების შესახვედრათ.

საბჭოთა თურქესტანის ღუმლის მოძმე ერის ზემის დროს გაზეთი ხსნის ორი გარემოებით: ერთი—რუსეთმა, რომელიც ვითომცდა ოსმალეთს «გულითად მეგობრათ» ითვლება, გაუვალე კედელი აღმართა მის ფარგლებში მომწყვდეულ მუსულმანობას და თავისუფალ მუსულმანურ ქვეყნებს შორის. ამ კედლის აღმართვაში და მის დამაგრებაში განაწამები ხალხი თავის წილს უდებს ოსმალეთის დღევანდელ რუსულ პოლიტიკასაც. მეორე—განლავთ ის დევნა, რომელსაც აწარმოებს ბოლშევიზმი თურქესტანში ყოველგვარ ოსმალურ სიმპატიების წინააღმდეგ და მას ნათლავს პან-თურანისტულ «გადახრებათ».—აი ამ ორი მთავარი მიწების გამოა, რომ საბჭოთა თურქესტანი სდუმს და მის მოძმე ერს ოსმალეთს ვერ ულოცავს თავისუფლების დღეს. ეს დამაფიქრებელი მოვლენა და მას უნდა ჩაუკვირდენ ჩვენი მოძმენი».

ახელ ზმვალეს ღაკრძალვა

2 იანვარს სოფ. შანსეში (ტურიდან 17 კილომეტრის მანძილზე) მოხდა დაკრძალვა საქართველოში საფრანგეთის ელჩად ნამყოფ განსვენებულ აბელ შევალეს ცხედრისა.

გარდაცვალების ცნობის მიღებისთანავე საქარ. მთავრობის თავმჯდომარემ ბ. ნ. ნ. ყორდანიამ ქვირვის გაუგზავნა სამძიმრის დეპეშა.

მეორე დღეს დილის რვა საათზე კი დაკრძალვაზე დასასწრებათ პარიზიდან გაემგზავრენ ბ. ნ. ა. ჩხენკელი და ოფისის მდივანი ი. გოგოლაშვილი.

ბ. ნ. ა. ჩხენკელმა საუცხოვე გვირგვინით შეამკრ განსვენებულის კუბო. შევალეს ქვირვი ნათესაური გრძობით მიეგება ბ. ნ. ა. ჩხენკელს; რომელმაც ანუგეშა იგი და მსურვალე სამძიმარი გადასცა საქართველოს სახელით.

დაკრძალვას დიდძალი საზოგადოება დაესწრო, როგორც ადგილობრივი, ისე პარიზიდან და სხვა ადგილებიდან საგანგებოდ ჩამოსული.

ბინაზედ მგრძობიარე სიტყვა წარმოსთქვა პასტორმა (განსვენებული შევალე იყო პროტესტანტი). მან წაიკითხა მთავრობის თავმჯდომარის ბ. ნ. ნ. ყორდიანის დეპეშა და აღნიშნა, რომ ბ. ნ. ა. ჩხენკელს დიდი სი იყო ასეთი დიდი პატივისა, რომელიც სცა მას ამჟამად დაჩაგრულმა კეთილშობილმა ქართველმა ხალხმა და მისმა ეროვნულმა მთავრობამ, ვინაიდან ბ. ნ. ა. ჩხენკელმ უკანასკნელი წლები თავისი დიპლომატიური მოღვაწეობისა მოანდომა ამ მშვენიერ ქვეყანას და მისი ინტერესების დაცვას საფრანგეთის მთავრობის წინაშე.

სასაფლაოზე სიტყვები წარმოსთქვეს ადგილობრივმა მერმა და ერთ ერთ კოლეჯის პროფესორმა მისმა ამხანაგმა. ამათაც დიდი ყურადღება მიაქციეს იმ თანაგრძობას, რომელიც ქართველობამ გამოუცხადა მცვალებულს...

ვლადიმირ სოსელიას გარდაცვალება

როგორც თეპირანიდან გვატყობინებენ, ვასული წლის 22 დეკემბერს იქ გარდაცვლილა ჩვენი თანამემამულე, ყოფილი მასწავლებელი, ემიგრანტი ვლადიმირ სოსელია. დასაფლავება მოხდა 24 დეკემბერს, რასაც დაესწრო თეპირანის მთელი ქართველობა.

ღ ა ვ ი თ მ ხ ე ი მ ე

ყოფილი აფიციერი ქართველი ჯარისა, შეპყრობილი განუკურნებელ სენით, მოთავსებული იყო სულით ავადმყოფთა საავადმყოფოში «ნი სურ მარნ»-ზე. იქ ორშაბათს 22 იანვარს იგი დაალრჩო მეორე გადარეულმა. განსვენებული იქვე დაკრძალეს.

პოლონური ურნალი

პ რ ე ს ს ა

«ვეფ. ტყაიხის» რუსულ გამომცემის მგახებ.

ბ. დავით ხელაძის მიერ რუსულად გამოცემულ «ვეფხის ტყაოსანს» შემდეგი წერილი უძღვნა პოლონურმა ჟურნალმა («აღმოსავლეთი» № 3-4, დეკემბერი 1933 წ. ვარშავა):

«... თვით გარეგნული სახე ამ მონუმენტალური ტომის არაჩვეულებრივს შთაბეჭდილებას ტოვებს. ფორმატი, ქალაქი, ილუსტრაციები, მოკაზმულობა,—ამასთანავე თვითული გვერდი მოკაზმულია სხვადასხვა ვინიეტებით—ყოველივე ეს იმის მთქმელია, რომ ეს წიგნი არ არის ნაყოფი ჩვეულებრივ გამომცემლობის მოქმედების, არამედ ნაყოფი ერთგვარი აქტის—ნაკარნახევი მხურვალე პატრიოტიზმით—გაუქვნილი სიყვარულის დიდი გრძნობებით.

და მართლაც, ამ წიგნის პარიზში მოვლინებას, ემიგრაციაში—აქვს თავისი ლამაზი ისტორია, რომლის შესახებ ღირს რამდენიმე სიტყვა ითქვას.

ქუშმარბიძე! არავინ სხვა გარდა ქართველი ემიგრანტისა და ამასთანავე რაც სპეციალურათ ხაზგასასმელია—მუშამ, პროფესიით ასოთ-ამწყობმა დავით ხელაძემ საკუთარი ინიციატივით დაიწყო და საკუთარი ხარჯით და შრომით შეასრულა ეს საქმე, საყურადღებო როგორც პატრიოტულის მხრივ, აგრეთვე არტიტულის.

საკმარისია მოვიყვანოთ ის საერთო თანხა, რომელიც ჩასდო ამ გამომცემლობაში ჩვეულებრივმა ემიგრანტმა და მუშა-მესტამბემ, რომ დავაფასოთ ბ. დ. ხელაძის თავდადება: ეს თანხა 40.000 ფრანკია. მატერიალური შესაძლებლობანი ამ საქმის განსახორციელებლათ ხომ ყველაფერს არ შეადგენდა. კიდევ მეტი იქნა ჩადებული ამ გამომცემლობაში მორალური და არამატერიალური ღირებულებანი და ნიშნები ამ ღირებულებათა ნათელია თვითეულ გვერდზე, წიგნის ყოველგვარ დეტალზე. შეიძლება ითქვას, რალაჯ თავისებური aura პატრიოტიზმის, სიყვარული ერთგვანი მშვენიერებისა, ისტორიის და კულტურის გარს ახვევია და გაუქვნილია წიგნი,—და ეს ქმნის, ასე ვთქვათ, მის «ატმოსფერას»...

შემდეგ ავტორი ლაპარაკობს გმირ კავკასიის და საქართველოს წარსულზე, მის მითოლოგიაზე და ლეგენდებზე, კავკასიის იმ როლზე, რომელსაც ის თამაშობს დასაბამიდან აღმოსავლეთსა და დასავლეთს შორის ..

ბალმონტის თარგმანი არ მოსწონს, რადგანაც მონუმენტალურ თხზულებას უეჭველი თავისი სული, თავისი სტილი აქვს, რის გადმოცემას ბალმონტიც კი ვერ შესძლებდა...

შემდეგ ნომერში რუსთაველის სურათი იქნება და სპეციალური წერილი თვით თხზულებაზე *).

«პრომეთე»ს უკანასკნელ ნუმერში დაბეჭდილია წერილი ამერიკულ გაზეთის «ნიუ-დემოკრატი»ის რედაქტორის Brougham-ის, რომელიც დაუგზავნა შეერთებულ შტატების საგარეო საქმეთა სამინისტროს და სხვადასხვა გამოჩენილ პოლიტიკურ მოღვაწეებს. ამერიკელი ჟურნალისტი ურჩევს თავის თანამემამულეებს მხარი დაუჭირონ არამთლიან რუსეთს, არა ხელგუნურად და ძალდატანებით შეკოწიწებულს სახელმწიფოს, რომელსაც წარმოადგენს საბჭოთა კავშირი, არამედ კავკასიის, უკრაინის და სხვა ერთადამოუკიდებელ სახელმწიფოებრივ არსებობას, რომლებიც უფრო ცხოველყოფილი არიან. ავტორი ამბობს, სხვათა შორის:

«პატარა ერებს მეტი უპირატესობა აქვთ შედარებით დიდებთან. პატარა ერში ყოველთვის მეტია ურთიერთის გაგება; იქ ინდივიდუალური ძალა და ნიჭი დაფასებულია და გამოყენებული; მოქმედება, შრომა, მუშაობის მეთოდი უფრო ინტენსიურია. ყველამ უწყის, რომ პატარა სასოფლო მეურნეობა გაცილებით უფრო ნაყოფიერია, ვიდრე დიდი.

გერმანიამ, ვიდრე გაერთიანდებოდა და დიდ სახელმწიფოდ იქცევოდა, ორი უდიდესი პოეტი მოგვცა გიოტე და შილერი. ძველმა საბერძნეთმა უმაღლეს კულტურას მიაღწია, თუმცა და დაწაწილებული იყო პაწია სახელმწიფოებად».

Brougham-ი ღრმად დარწმუნებულია, რომ რუსეთში მომწყვდული დარჩარული ერების რევოლუცია დღითი დღე ახლოვდება და შორს არაა ის დღე, როცა დაემზობა ისტორიაში არ გაგონილი პოლიტიური ტირანია.

ამ წერილს ბევრი მოღვაწე გამოეხმაურა და მხარი დაუჭირეს ავტორის აზრებს.

ძატიველები ვარშავაში

იანვრის 6 ვარშავაში გაიმართა ჩვეულებრივი ქართული ბალი, რომელსაც მრავალი საზოგადოება დაესწრო. იყვნენ პოლონელ საზოგადოების სხვა და სხვა მაღალ წრეებიდან, ესტონეთის ელჩი, თურქეთის საელჩოს პირველი მდივანი, იაპონიის საელჩოდან შვიდი-რვა წარმომადგენელი, წევრები უკრაინელთა და ჩვენი მეზობლების კალონიების.

— ლაპარაკობენ, რომ ვარშავის უნივერსიტეტში დაარსდება აღმოსავლეთის ფაკულტეტი და ერთერთ პროფესორად მოწვეულ იქნება მ. გრ. ფერაძე.

— მ. გრ. ფერაძე, ჯერ კიდევ 34 წლის, მსოფლიო პატრიარქის ეგზარხოსმა მიტროპოლიტმა გერმანოზმა არქიმანდრიტად აკურთხა ლონდონში. კურთხევას დაესწრო იქაური მაღალი საზოგადოება.

*) ჟურნალ «აღმოსავლეთის» ერთ ერთ რედაქტორთაგანია ჩვენი თანამემამულე ბ. კ. იმნაძე.